

Missingiut**Naqqiut**

Siunnersuut 3. november 2025-meersoq taarserpaa
(Siunnersuutip immikkoortutut normua naqqiutigineqarpoq, siulii marluk UKA2025/39
aamma UKA/40 ataatsimut suliarineqassagamik UKA2025/39-tut)

**Imarsiortunut atorfinitsitaanermi atugassarititaasut il.il. pillugit inatsisip Kalaallit
Nunaannut atulersinneqarnissaa pillugu peqqussut**

UAGUT FREDERIK QULINGAT, Guutip Saammaassineratigut uagut Danmarkip kunngia,
nalunaarpugut

Umiartortut pillugit inatsimmi nr. 420-imi, 13. juni 1973-imeersumi § 77, Inatsisitigut aalajangersakkani assigiinngitsuni ukiutigut angusassatut killissaatitap ukiunut 20-inut inissinneqarnera pillugu allanngortitsineq pillugu inatsimmi nr. 313-imi, 10. juni 1976-imeersumi § 15, sulineq il.il. eqqarsaatigalugit angutit arnallu naligiimmik pineqarnissaat pillugu inatsisitigut aalajangersakkat allanngortinneqarnerat pillugu inatsimmi nr. 162-imi, 12. april 1978-imeersumi § 6, taarsiissuteqarnissamut akisussaaffeqarneq pillugu inatsimmi nr. 228-imi, 23. maj 1984-imeersumi § 32, umiartortut pillugit inatsisip allanngortinneqarnissaa pillugu inatsimmi nr. 242-imi, 6. juni 1985-imeersumi § 3, umiarsuit nalunaarsorneqartarneri il.il. pillugit inatsisip inatsisillu allat allanngortinneqarnerat (piginnaatitaaffiit Søfartsstyrelsimut nuunneqarnerat) pillugu inatsimmi nr. 857-imi, 23. december 1987-imeersumi, inatsisikkut nr. 911-ikkut, 8. december 1993-imeersukkut allanngortinneqartumi § 17, imm. 2, umiartortut pillugit inatsisip allanngortinneqarnera pillugu inatsimmi nr. 163-imi 23. marts 1988-imeersumi § 3, umiartortut pillugit inatsisip allanngortinneqarnera pillugu inatsimmi nr. 409-imi, 1. juli 1988-imeersumi (imarsiortunut piffissat isumaqatigiissuteqarfiusut pillugit) § 3, Industriministereqarfiup suliasaqqarfiata iluani inatsisit ilaasa atorunnaarsinneqarnissaat aamma inatsisitigut aalajangersakkat assigiinngitsut allanngortinneqarnerat pillugu inatsit nr. 271-imi, 2. maj 1990-imeersoq (allaffissorluni ingerlatsinerup annikillisarneqarnera pillugu), umiartortut pillugit inatsisip allanngortinneqarnera pillugu inatsimmi nr. 1004-imi, 19. december 1992-imeersumi § 3, aamma Umiartortut isumaqatigiissusioqatigineqartarnerat il.il. atorunnaarsinneqarnissaa pillugu inatsit, umiartortut pillugit inatsisip allanngortinneqarnissaa aamma umiarsuit il.il. isumannaatsuunissaat pillugu inatsisip allanngortinneqarnissaa pillugu inatsimmi nr. 287-imi 27. april 1994-imeersumi § 4, umiartortut pillugit inatsisip aamma umiartortut pillugit inatsisip allanngortinneqarnerat pillugit inatsimmi nr. 14-imi, 13. januar 1997-imeersumi (Suliffimmit tunuarnermi pissarsiassat, piffissaq qasuersaarfiusussaq aamma Luganomi isumaqatigiissut pillugit) § 3, umiartorneq pillugu inatsisip allanngortinneqarnera pillugu inatsimmi nr. 902-mi, 16. december 1998-imeersumi § 5, imm. 2, umiarsuarni inuttat pillugit inatsit aamma imaani avatangiisit illersorneqarnissaat pillugit inatsit (imaani isumannaatsuunissaq pillugu inatsisip

Missingiut

malitsigisaanik allannguinerit, innutaassuseqarneq pillugu piumasagaatip avaqqunneqarnera, umiarsuarnut atasumik avatangiisit pillugit apeqqutit pillugu ataqatigiissaarinnermut ataatsimiititaliat pillugit), inatsisikkut nr. 1773-ikkut, 28. december 2023-imeersukkut allanngortinneqartoq, umiartortut pillugit inatsisip allanngortinneqarnera pillugu inatsimmi nr. 1088-imi, 29. december 1999-imeersumi (qanigisat napparsimaneranni imaluunniit ajunaarnermi sulinngiffeqarsinnaatitaaneq pillugu) § 3, umiartortut pillugit inatsisip allanngortinneqarnera pillugu inatsimmi nr. 277-imi, 8. maj 2002-imeersumi

§ 4 aamma immani isumannaatsuunissaq pillugu inatsisip (Imarsiortut piffissaq qasuersaarfissaat il.il., nalunaaruteqarnissamut pisussaaffik, aqqusaarnissamut inerteqquteqarneq, umiarsuit poortorsimanngitsunik assartuusiut usilersornerat aamma usingiarnerat kiisalu umiarsui ilaasa misissorneqarnerannut akiliinissamut inatsisitigut periarfissaliissut pillugit), imaani isumannaatsuunissaq pillugu inatsisip allanngortinneqarnera pillugu inatsimmi, § 9, umiarsuarni inuttat pillugu inatsip, aqqartartut sulinerat aamma aqqartartut atortui il.il. pillugit inatsip aamma inatsisip assigiinngitsut allat kiisalu umiarsuit uuttortarneqartarnerat pillugu inatsisip atorunnaarsinneqarnera pillugu (maalaaruteqarnermi aalajangiisartut ataatsimoortinneqarnerat, maalaaruteqarsinnaanerup naleqqussarneqarnera, Aqqartartunut Misilitsittarneq pillugu isumalioqatigiissitat atorunnaarsinneqarnerat kiisalu umiarsuit uuttortarneqartarnerinut malittarisassat piuminarsarneqarnerat), umiartortut pillugit inatsisip allanngortinneqarnera pillugu inatsimmi nr. 1462-imi, 22. december 2004-imeersumi § 4 aamma umiarsuit inuttaat pillugit inatsip (imarsiortunut piffissami killilimmi atorfinitsitsisarneq pillugu malittarisassat aqqinneqarnerat), imaani isumannaatsuunissaq pillugu inatsisip aamma umiartortut pillugit inatsisip allanngortinneqarnerat pillugu inatsimmi nr. 547-imi, 8. juni 2006-imeersumi (promillit killissaasa aalajangersarneqarnerat kiisalu umiarsuarnit silaannarmik mingutsitsinerup pitsaaliorneqarnera pillugit) § 4, Bruxelles I-imi peqqussut il.il. pillugit inatsimmi nr. 1563-imi, 20. december 2006-imeersumi § 15, imaani isumannaatsuunissaq pillugu inatsisip, umiartortut pillugit inatsisip aamma umiartorneq pillugu inatsisip allanngortinneqarnerat pillugu inatsimmi nr. 349-imi, 18. april 2007-imeersumi (suliffeqarfiit pillaatissinneqarnissamik akisussaaffiut killiliineq, umiarnermi umiunermiluunniit umiarsuup ajoqusernerinik agguataarneqarnerinillu inuup naatsorsuusiormik suliaqartartup illugiilluni akuerineqarnera il.il. pillugit) § 5, umiartortut pillugit inatsisip aamma imaani isumannaatsuunissaq pillugu inatsisip allanngortinneqarnerat pillugit inatsimmi nr. 511-imi, 17. juni 2008-imeersumi (nakorsamit misissortinnermut tapiissutit aamma akiliisitsissutit piumasarineqartut qulakkeerneqarnissaannut umiarsuit tigummigallarneqartarnerisa atorunnaarsinneqarnerat pillugit) § 4, inatsisikkut nr. 1773-ikkut, 28. december 2023-imeersukkut allanngortinneqartoq, imaani isumannaatsuunissaq pillugu inatsisip, umiartortut pillugit inatsisip aamma inatsisip allat aamma umiarsuarmi inuttassanik inuttassarsisarneq pillugu inatsisip atorunnaarsinneqarnera pillugit inatsip nr. 493-imi, 12. maj 2010-imeersumi (imarsiortunut suliffimmi pissutsit pillugit isumaqatigiissutit naammassineqarnera, nakkutilliineq pillugu malittarisassat nutarterneqarnerat, Kalaallit

Missingiut

Nunaata imartaani il.il. imigassartorsimatillugu angalanissamut inerteqquteqarneq pillugit) § 9, imm. 3, inatsisikkut 1773-kkut, 28. december 2023-imeersukkut allanngortinneqartoq, umiartorneq pillugu inatsisip, imaani isumannaatsuunissaq pillugu inatsisip aamma umiartortut pillugit inatsisip allanngortinneqarnera pillugu inatsimmi nr. 251-imi, 30. marts 2011-imeersumi (imaanut inatsiseqartitsinermi piumasaqaatinut sillimmasersimanissamik pisussaaffik, aalisarnermut suliaasaqarfimmi suliffimmi pissutsit il.il. pillugit isumaqatigiissutip naammassineqarnera pillugit), § 6, imm. 3, inatsisikkut nr. 1773-ikkut, 28. december 2023-imeersukkut allanngortinneqartoq, umiarsuit inuttaat pillugit inatsisip, umiartortut akileraartinneqartarnerat pillugu inatsisip, umiartortut pillugit inatsisip, Handelsflådens Velfærdsråd pillugu inatsisip aamma imaani isumannaatsuunissaq pillugu inatsisip allanngortinneqarneri pillugit inatsimmi nr. 622-imi, 14. juni 2011-imeersumi (Dansk International Skibsregister-imi umiarsuit nalunaarsorneqarsimasut, inummit qallunaatut innuttaassuseqaanngitsumit imaluunniit akornuserneqarnerani nikerarsinnaaneq pillugu EU/EØS-imi malittarisassani ilaanngitsumit ingerlanneqarsinnaanerisa akuerineqarnissaanut periarfissaq aaqqinneqarnera, qallunaat imarsiortut ilaannut nunanut allamut ilanngaati pilersinneqarnerat, imarsiortunit qimagaasut aningaasatigut ikiorserneqarnissaat, SUA il.il. pillugu isumaqatigiissummut allattaaviit allanngortinneqarnerisa naammassineqarnerat pillugit) § 7, pinngitsoorneqartussaannngitsumik digitaliusumik attaveqaqatigiinneq il.il. pillugit inatsisitigut aalajangersakkat assigiinngitsut allanngortinneqarnerat pillugit inatsimmi, nr. 1231-imi, 18. december 2012-imeersumi (Pinngitsoorneqartussaannngitsumik digitaliusumik attaveqaqatigiinneq aamma oqartussaaffiit nuunneqarnerisa malitsigisaannik naleqqussaanerit il.il. pillugit) § 70, imm. 4, umiartorneq pillugu inatsisip inatsisillu assigiinngitsut allat allanngortinneqarnerat pillugu inatsimmi nr. 618-imi, 12. juni 2013-imeersumi (Issittup imartaani umiartornermut tunngasumik piumasaqaatit sukannernerulersinneqarnerat, imaani ujajaasoqartillugu imarsiortut inatsisitigut inissisimanerisa patajaallisaavigineqarnerat, umiarsuarnik nalunaarsuisarneq pillugu malittarisassat aaqqinneqarnerat, tamakkiisumik ilaannakoortumilluunniit immakkut usinik nunat tamat akornanni angallassinernut isumaqatigiissutit pillugit isumaqatigiissutip naammassineqarnera, atortussiat navianartut aamma mingutsitsisut imaatigut angallanneqarnerannut atasumik mingutsitsinermik ajoqusiinernut akisussaaffik pillugu isumaqatigiissummut allannguutissatut allattaaviup naammassineqarnera aamma Dykkerrådip atorunnaarsinneqarnera pillugit) § 12, imm. 2, imaani isumannaatsuunissaq pillugu inatsisip, imaani ajunaarnerit pillugit isumannaatsuunerup misissorneqarnera pillugu inatsisip, umiartornermi inatsisip inatsisillu assigiinngitsut allat allanngortinneqarnerat aamma imarsiortunut atorfinitsitaanermi atugassarititaasut pillugit inatsisip (imaanit ajunaartitsinermi imaluunniit pitsaasumik imarsiortuunissamut akerliusumik umiartornermi il.il. aamma aqqartartut ajutoornerisa misissuiffigineqarneranni pillaatissiinissap killiffiata sukannernerulersinneqarnera pillugit) § 6, imm. 2, inatsisikkut nr. 1773-ikkut, 28. december 2023-imeersukkut allanngortinneqartoq, niuertarfiit atugassanik tuniniaanerit il.il. pillugit inatsimmi nr. 740-imi, 1. juni 2015-imeersumi § 10, imm. 2, pigisanik aalaakkaanik pissarsinermi atuisut illersorneqarnissaat pillugit inatsisip, imarsiortunut atorfinitsitaanermi

Missingiut

atugassarititaasut il.il. inatsimmi, oqartussaasunut allanut kommunit nunallu ilaanut oqartussaasut suliaqartarnerat aamma kommunit nunallu ilaanut oqartussaasut ingerlatseqatigiiffinni peqataanerat pillugit inatsisip aamma inatsisit assigiinngitsut allat allanngortinneqarnerat aamma translørit nutserisullu pillugit inatsisip atorunnaarsinneqarnerat pillugu inatsisip aamma umiarnermi umiunermiluunniit umiarsuup ajoqusernerinik agguataarneqarnerinillu inuit naatsorsuusiornermik suliaqartut pillugit inatsisip atorunnaarsinneqarnera (Nalliuttuni niuertarfiit atugassanik tuniniaasinnaanannut immikkut akuersissuteqartarnej sukangannginnerusoq, illut misissorneqartarnerat pillugu aaqjissuussinermi akiliutissat qaffasinnerpaat atorunnaarsinneqarnerat, umiarsuarni inuit suussusaasa ilaanut minnerpaamik illersuinissaq, ingerlatseqatigiiffinni kommunit nunallu ilaanut oqartussaasut peqataanerat pillugit nalunaaruteqarnissamut pisussaaffiup atorunnaarsinneqarnera aamma translørinut nutserisunullu kiisalu umiarnermi umiunermiluunniit umiarsuup ajoqusernerinik agguataarneqarnerinillu inuit naatsorsuusiornermik suliaqartartut il. il. pillugit), imarsiortunut atorfinitsitaanermi atugassarititaasut il.il. pillugit inatsisip allanngortinneqarnerani nr. 400-imi, 2. maj 2016-imeersumi § 7, imm. 2, imaani isumannaatsuunissaq pillugu inatsimmi aamma inatsisini assigiinngitsuni allani (Umiarsuaatillip atorfinitsitaanermi atugassarititaasunik sumiginnaaneranani imarsiortut aningaasatigut inissisimanerisa isumannaarneqarnissaat, imaani annertunerusunik sanaartornernik suliniuteqarnerani isumannaatsuunissap patajaallisaavigineqarnera, umiarnikut peerneqarnerannut atatillugu sillimmaserneq, aqgartartuuneq pillugu suliaassaqarfimmi il.il. misissuinnermik suliaqartarnerup naammassiuminarsarneqarnera pillugit) aamma atorfinitsinneqarnermut uppersaasatit aamma sulinnermut piumasaqaatit ilaat pillugit inatsimmi nr. 501-imi, 16. maj 2023-imeersumi § 17, imm. 2, inatsisikkut nr. 1773-ikkut, 28. december 2023-imeersukkut allanngortinneqartoq malillugit tulliuttunik oqaasertaliorneqarluni inatsisip Kalaallit Nunaannut atuutissasoq aalajangerneqarpoq:

Kapitali 1

Aallaqqaasiut

§ 1. Inatsimmi matumani inuk kinaluunniit, umiarsuup naalagaa minillugu, qallunaat umiarsuaanni Kalaallit Nunaanni angerlarsimaffeqartumi atorfinitsinneqartoq, inuttanngortinneqartoq imaluunniit kiffartuussitinneqartoq, aamma umiarsuup umiarsualivimmiinnerinnaani sulineq ajortoq, oqaatsimi imarsiortumi ilaatinneqarpoq. Umiarsuup naalagaanut § 46 atuuppoq.

Imm. 2. Inuit suussusaat, inatsit, kunngip peqqussutaatigut atuutilersinneqartoq, malillugu imarsiortutut isigineqassanersoq nalornissutigineqartillugu, apeqqut pillugu umiarsuaatilinnut imarsiortunullu suliniaqatigiiffiit tusarniaavigereerlugit, apeqqut Søfartsstyrelsimit

Missingiut

aalajangiiffigineqassaaq. Søfartsstyrelsen aalajangiinera eqqartuussivinnut saqqummiunneqarsinnaavoq.

Imm. 3. Piffissami killilikkami kiffartuussinissamik isumaqatigiissuteqarnermi, isumaqatigiissutitut paasineqassapput, tassani atorfinitsinneqarnerup naanissaanut piffissaq aalajangiinissamut tunngaviit kinaassusersiunngitsut aallaavigalugit aalajangerneqarluni, soorlu ulloq aalajangersimasoq, suliasap aalajangersimasup suliaralugu naammassineqarnera, matumani angalaneq aalajangersimasoq, imaluunniit pisup aalajangersimasup pinera ilanngullugit.

§ 1 a. Inatsimmi matumani malittarisassat aamma inatsit malillugu malittarisassat atulersinneqartut, kunngip peqqussutaatigut atulersinneqartut, matumani atorfinitsitaanermi atugassarititaasut pillugit malittarisassat ilanngullugit, eqqortinneqarnerat umiarsuaatillip qulakkiissavaa. Atorfinitsinneqarnermi isumaqatigiissut malillugu imarsiortup pisinnaatitaaffiisa naammassineqarnissaat, umiarsuaatillip taamatuttaaq qulakkiissavai. Umiarsuup naalagaata pisussaaffinnik, taassuma pisussaaffinnik naammassinnissinnaanerminut periarfissaqarnissaa, umiarsuaatillip aammattaaq isumagissavaa. Suliniaqatigiiffiit allat, suliffeqarfiit imaluunniit inuit suliassanik imaluunniit pisussaaffinnik umiarsuaatilik sinnerlugu suliaraqarluarpata, oqaaseqatigiinnit siullernit pingajuat ilanngullugu malillugit pisussaaffiit umiarsuaatilimmit piussaaffiupput.

Imm. 2. Naak inuk umiarsuaatilimmit allaanerusoq sulisitsisuugaluartoq, imm. 1 atuuppoq. Pisuni taamaattuni § 3 malillugu atorfinitsinneqarneq pillugu isumaqatigiissut malillugu pisussaaffiit, aamma atorfinitsitaanermi atugassarititaasut pillugit malittarisassiuussisut, inatsimmi aalajangersakkat, kunngip peqqussutaatigut atuutilersinneqartut, aammattaaq sulisitsisumit pisussaaffiupput.

Imm. 3. Inatsit manna, kunngit peqqussutaatigut atuutilersinneqartoq, malillugu pisussaaffini suliassa qarfiillu akisussaaffini tamakkiisumik imaluunniit ilaannakoortumik umiarsuaatillip tunniussimappagit, imaluunniit atorfinitsinneqarneq pillugu isumaqatigiissut inummot allamut imaluunniit suliniaqatigiiffimmut pisussaaffiit suliassa qarfiillu akisussaaffigineqartut tiguneqarneri pineqartillugit, imm. 1 aammattaaq pineqartumut atuuppoq.

Imm. 4. Imm. 1-imiit 3 ilanngullugu aalajangersakkani pisussaaffiit pillugit erhvervsministeri malittarisassanik erseqqinnerusunik aalajangersaasinnaavoq.

§ 2. (Atorunnaarsinneqarpoq)

Kapitali 2

Kiffartuussinissamik isumaqatigiissut il.il..

1. Kiffartuussinissamik isumaqatigiissutip isumaqatigiissutigineqarnera, piumasaqaatit aamma soraarsitsineq

§ 3. Umiarsuaatillip imaluunniit sulisitsisup atorfinitsitaq peqatigalugu allakkatigut isumaqatigiissumik pilersitsinissaa pillugu malittarisassanik erseqqinnerusunik erhvervsministeri aalajangersaasinnaavoq, matumani akissarsianut- aamma atorfinitsinneqarnermut isumaqatigiissut pillugit, aamma umiarsuaatillip imaluunniit sulisitsisup sulinissaq pillugu isumaqatigiissutip aamma suliamut piumasaqaatit pillugit atorfinitsitamut nalunaarutiginninnissamut pisussaaffia ilanngullugit. Akissarsianut- aamma atorfinitsitaanermut isumaqatigiissutit ilusaat imarisassaalu Skibstilsynsrådet oqaaseqaammik pissarsinerup kingorna aalajangersarneqassapput.

Imm. 2. Umiarsuaatilik sinnerlu umiarsuup naalagaa inuttat pisariaqartinneqartut atorfinitsissinnaavai. Maskiinaqarfimmi inuttassat atorfinitsinneqarnissaq sioqqullugu, umiarsuup naalagaa, tamanna periarfissaatillugu, maskinschefimit siunnersuutinik pissarsissaaq. Umiarsuup qaavani inuttassanik atorfinitsitsinissaq pillugu umiarsuup naalagaata aammattaq aquttut qullersaat isumasioqatigissavaa aamma pilittaq tassunga ikiortinik atorfinitsitsinermi isumasioqatigissalluguttaaq.

Imm. 3. Imarsiortoq, atorfinitsinneqarnissamik isumaqatigiissut atsiorneqartinnagu, taassuminnga misissuinissaminik aamma tassani piumasaqaatit pillugit siunnersorneqarnissamik periarfissinneqassaaq.

Imm. 4. Kiffartuussinissamik isumaqatigiissutit piffissamik killiligaasut imminnut malittut arlallit nutarterneqarnerat, nutarterineq pissutsit kinaassusersiunngitsut tunngavigalugit taamaallaat pisinnaavoq. Pissutsit kinaassusersiunngitsut sulisitsisut aamma atorfillit akornanni inatsisitigut pissutsit pillugit inatsisartut inatsisaanni § 1, imm. 3-mut naapertuuttumik paasineqassapput.

§ 3 a. Atorfinitsitaanermi atugassarititaasuni piffissap misilinneqarfiusup qaammatit 6 qaangissanngilai, taamaattoq imm. 3 takuuk. Piffissami killilikkami kiffartuussinissami pissutsini piffissap misilinneqarfiusup piffissap atorfinitsinneqarfiup sisamararterutaa qaangissanngilaa. §§ 5-imi, 37-imi aamma 47-imi soraarnissamut ilimasaarinissamut piffissaliussat matumuuna sunnerneqanngillat.

Imm. 2. Killilimmik kiffartuussinissami atugassarititaasut sivitsorneqarnerannut imaluunniit nutarterneqarnerannut atatillugu piffissaq misilinneqarfiusoq sivilisunerusoq isumaqatigiissutigineqarsinnaanngilaq.

Imm. 3. Tjenestemændinut aamma tjenestemandimut assingusumik atorfinitsitsinermi piffissap misilinneqarfiusup takissusaata aalajangersarneqarnera pillugu aalajangersakkat sunnerneqanngillat.

§ 3 b. Tikisitsineq assigisaaluunniit tunngavigalugu atorfinitsinneqarnissaq isumaqatigiissutigineqarpat, aamma atorfinitsinneqarneq qaammatit 3 sinnerlugit sivilisutigippat, atorfinitsinneqarnissaq pillugu isumaqatigiissut nalunaaquttat akunneri akilernerqartut, qaammammi kingullermi atorfillip suliarisimasaasa assinginut minnerpaaffissalerlugit isumaqatigiissutigineqarsimannginnera, umiarsuaatillip imaluunniit sulisitsisup qularnarunnaarsissavaa. Qaammammi kingullermi piffissanik

Missingiut

sulinngitsoorfiusunik peqarsimappat, piffissap sulinngitsoorfiunngitsup assigisaanik taanna sivitsorneqassaaq.

§ 3 c. Kalaallit Nunaanni inatsisiliorneq imaluunniit ataatsimoorussamik isumaqatigiissutit malillugit umiarsuaatilik imaluunniit sulisitsisoq, suliasap pineqartup suliarineqarnissaa siunertaralugu, atorfinitsitamut ilinniagaqarnissamik neqerooruteqartussaappat, ilinniartitaaneq akissarsialimmut aningaasartuutaassanngilaq, sulinertut naatsorsorneqassalluni aamma sapinngisamik akissarsiallip nalinginnaasumik suliffiani ingerlanneqassalluni.

§ 3 d. Atorfinitsitaq, §§ 3 a-miit 3 c ilanngullugu aalajangersakkat malillugit pisinnaatitaaffimminik innarliivigineqartoq, taartisiamik tunineqarsinnaavoq.

Imm. 2. Pineqartoq §§ 3 a-miit 3 c ilanngullugu aalajangersakkat malillugit pisinnaatitaaffinnik qulakkeerinninnissamut pisussaaffinnik eqqortitsisoqarsimannginnera pillugu umiarsuaatillimmut, umiarsuup naalagaanut imaluunniit sulisitsisumut naammagittaalliuuteqarsimanera pissutigalugu soraarsinneqarsimanera imaluunniit assigisaanik sunniuteqartumik iliuuseqarfigineqarsimanera pillugu, atorfilik pissutsinik piviusunik pissutissalimmik ilimaginnilersitsisunik takutitsisinnaappat, soraarsitsineq imaluunniit assigisaanik sunniuteqartumik iliuuseqarneq, §§ 3 a-miit 3 c ilanngullugu aalajangersakkat malillugit pisinnaatitaaffinnik qulakkeerinninnissamut pisussaaffinnik eqqortitsisoqarsimannginneranik pissuteqannginnera, umiarsuaatillip, umiarsuup naalagaata imaluunniit sulisitsisup uppersassallugu pisussaaffigaa.

§ 3 e. Atorfinitsitanut, suliffeqarfimmi illuatungeriinni sinniisuunerpaanit isumaqatigiissutinit ilaatinneqartunut, aamma Kalaallit Nunaanni umiartornerup imaluunniit aalisarnerup iluani suliasaqarfimmut isumaqatigiissutaasunit aamma kiffartuussititap §§ 3 a-miit 3 c ilanngullugu aalajangersakkat malillugit pisinnaatitaaffinnik ataqqinnittunik ilaatinneqartunut, §§ 3 a-miit 3 c ilanngullugu aalajangersakkat atuutinngillat.

§ 4. Umiarsuarmi kinaluunniit 16-it inorlugit ukiulik kiffartuussinermi atorineqassanngilaq.

Imm. 2. Sulinermut taamaattumut piumasaqaatigineqartumik nakorsamit misissorneqarnermik naammaginartumik inernilerlugu misissorneqarsimatinnani, umiarsuarmi kinaluunniit sulilersinnaanngilaq imaluunniit kiffartuussitinneqarsinnaanngilaq. Nakorsamit misissorneqarnermut aningaasartuutit sulisitsisumit akilerneqassapput. Ilinniartunut, umiarsuaateqarfimmi akuerisaasumi ilinniarnissamik isumaqatigiissuteqarsimasunut nakorsamit misissortinneq taamatuttaaq sulisitsisup akilissavai, tamatumalu peqatigisaanik imarsiornermik ilinniartinnit akuerisaasuni, taakkunani tiguneqarnissamut piumasaqaataalluni ilinniartup akuerisaasumik nakorsamit misissorneqarsimanissaa, ilinniartunut allanut nakorsamit misissorneqarnermut aningaasartuutit naalagaaffimmit akilerneqassapput.

Imm. 3. Nakorsamit misissorneqarnerit pillugit malittarisassat erhvervsministerip aalajangersassavai, matumani misissorneqarnermi aningaasartuutit ilanngullugit.

Missingiut

Imm. 4. Imarsiortut 20-it inorlugit ukiullit illersorniarlugit, erhvervsministerip §§ 5-imi, 6-imi, 7-imi, 11-imi, 19-imi, 20-imi, 27-imi, 57-imi aamma 58-imi aalajangersakkat avaqqussinnaavai.

§ 5. Isumaqatigiissut allatut malitseqartinnagu, akusut tamarmik kiffartuussinissamik isumaqatigiissut ullunik 7-nnik ilimasaarutigalugu taamaatitissinnaavaat, taamaattoq inatsimmi matumani § 19 a aamma naligiissitaaneq assigiinngisitsinnginnissarluni pillugit inatsisartut inatsisaanni § 17 takukkit. Imarsiortumut soraarnissamut/soraarsitsinissamut ilimasaarineq sivikinnerusooq umiarsuaatilimmit isumaqatigiissutigineqarsinnaanngilaq.

§ 6. Umiarsualivik soraarfiususaaq pillugu allamik isumaqatigiissusiortoqarsimanngippat, kiffartuussinissamik isumaqatigiissut taamaallaat Kalaallit Nunaanni umiarsualivik, umiarsuup aqqusaagaa, soraarfiusinnaavoq. Allatut isumaqatigiissusiortoqarsimanngippat, imarsiortoq, taama tulleriillutik, Savalimmiuni imaluunniit Danmarkimi najugaqarpat, taamaattoq soraarnek Savalimmiuni imaluunniit Kalaallit Nunaanni inuttaalersinneqarsimanngippat, umiarsualivik taamaallaat ikummatissamik usilersorniarluni imaluunniit napparsimasunik ajoqusernikunilluunniit nunaliaassineq imaluunniit allakkut umiarsuarmiittut, umiarsuup imaluunniit usit isumannaatsuunissaat eqqarsaatigalugit, sivikitsuarsuarmik aqqusaarneqanngippat, kiffartuussinissamik isumaqatigiissut umiarsualivimmi allami, umiarsuup aqqusaagaani taamaatitinneqarsinnaavoq.

Imm. 2. Imarsiortoq Kalaallit Nunaanni najugaqanngippat, imaluunniit Kalaallit Nunaanni inuttanngortinneqarsimanngippat, umiarsualivinni orsersorniarluni imaluunniit napparsimasunik ajoquserneqarsimasunilluunniit nunaliaassiniarluni taamaallaat aqqusaarneqanngippat, aamma umiarsuarmiittut, umiarsuup imaluunniit usit isumannaatsuunissaat eqqarsaatigalugit sivikitsuinnarmik umiarsualivinni aqqusaarnerni allaniinngippat, kiffartuussinissamik isumaqatigiissut umiarsualivimmi allanartami atorunnaarsinniarlugu taamaatitinneqarsinnaavoq.

Imm. 3. Imarsiortoq piffissami aalajangersimasumi inuttaasussatut inuttanngortinneqarsimappat, aamma piffissaq, umiarsuup imarmiinnerani, naappat, sulineq umiarsuup umiarsualivimmut pinissaata tungaanut ingerlassaaq. Taamaattoq imm. 2 malillugu umiarsualivimmi allanartami, sivikitsuinnarmik aqqusaarfiusumi, sulineq taamaatitinneqassanngilaq.

Imm. 4. Imarsiortoq piffissamut aalajangersimasumut inuttassarsiarineqarsimappat, piffissap naanerata kingorna, umiarsualivik soraarfiususaaq pillugu nutaamik isumaqatigiissusiortoqarsimatinnagu, imarsiortoq kiffartuussivimminiiginnarpat, imm. 1 aamma 2 atuutissapput.

Imm. 5. Umiarsuaatillip soraarsitsineratigut imaluunniit killilimmik kiffartuussinissamik isumaqatigiissut naanerata kingorna, imarsiortup nunagisaata avataani umiarsualivimmi umiarsuup aqqusaagaani imarsiortoq soraarpat, umiarsuaatillip akiligaani angerlarsimaffimminut nerisaqartinneqarluni angalanissaminut imarsiortoq pisinnaatitaavoq.

§ 7. Imarsiortoq, umiarsuarmi tassani imaluunniit umiarsuarni umiarsuaatilimmit taassuminnga pigineqartuni, qaammatini 6-ni kiffartuussisimasoq, qaammammik 1-mik sioqqutsilluni ilimasaarlugu, imaluunniit piffissaq sivikinnerusoq isumaqatigiissutigineqarsimappat, sioqqutsilluni ilimasaarineqarneq taanna atorlugu umiarsualivimmi sumiluunniit umiarsuup aqqusaagaani soraarsinnaavoq. Taamaattoq soraarneq, § 6, imm. 2 malillugu umiarsualivimmi allanartami, sivikitsuinnarmik uninngaffiusumi pisinnaanngilaq.

Imm. 2. Qaammatit 6 tikillugit piffissakkuutaarlugit piffissaliussat nutaat aallartissinnaanerit imarsiortup allakkatigut akuersissutigisinnavaa. Taamaattoq piffissaliussap naanissaa sioqqullugu qaammammik 1-mik siusinnerusumik akuersissut tunniunneqarsinnaanngilaq. Taamaattoq umiarsuarmi tassani imaluunniit umiarsuaatilimmit tassannga umiarsuaatigineqartuni piffissami ataqatigiissumi sivilunerpaamik qaammatinik 12-nik sivilussuseqartuni imarsiortoq kiffartuussisinnavaoq.

§ 8. Imarsiortoq Kalaallit Nunaanni najugaqartoq, aamma qaammatit kingulliit 3 Kalaallit Nunaanni umiarsualivimmi soraarsinnaasimanngitsaq, umiarsuarmi tassani imaluunniit umiarsuarni umiarsuaatilimmit taassuminnga pigineqartuni, kipsisutsumik qaammatini 6-ni kiffartuussitinneqarpat, najukkaminut akeqanngitsumik angalasinnaatitaavoq. Angalanermut nerisassanullu aningaasartuutit naalagaaffiup umiarsuaatillillu avillugit akilissavaat. Akeqanngitsumik angerlarluni angalasinnaatitaanermut pisinnaatitaaffik, imarsiortoq Savalimmiuni imaluunniit Danmarkimi najugaqanngippat, imarsiortup qaammatini kingullerni 3-ni savalimmiuni imaluunniit Kalaallit Nunaanni umiarsualivimmi soraarsinnaasimaneranik sunnerneqanngilaq.

Imm. 2. Taamaattoq umiarsuup piffissap taassuma iluani umiarsualivimmut, tassannga angerlarluni angalaneq pingaarutilimmik akikinnerusumik imaluunniit ajornannginnerusumik aaqqissuunneqarsinnaalluni, imarsiortup sulinini qaammat 1 tikillugu ingerlateqqissinnavaa.

Imm. 3. Nammineq soraarniuteqarnini imaluunniit soraarnissaminik qinnuteqarnini malillugu imarsiortoq soraarpat, akeqanngitsumik angerlarluni angalanissamut piumasaqaat kingusinnerpaamik soraarniutip imaluunniit soraarnissamik qinnuteqaatip peqatigisaanik saqqummiunneqassaaq.

Imm. 4. Angerlarluni angalaneq konsuulimit imaluunniit, sumiiffimmi qallunaat konsuuleqanngippata, umiarsuup naalagaanit aaqqissuunneqassaaq. Konsuulip angerlarluni angalaneq aaqqissuuppagu, tamanna piumasaqaatigineqartillugu, umiarsuaatillip aningaasartuutit agguarnerini aningaasartuutissaanut umiarsuup naalagaa qulamaveeqqusiissaaq.

1 a. Imarsiortunut inuttanngortitsinermik aamma akunniliulluni sulissussineq

§ 8 a. Imarsiortunik inuttanngortitsinermik- aamma akunniliulluni sulissussisut namminersortut, taakkunani imarsiortunut inuttanngortitsinissaq imaluunniit sulilernissamut

akunniliulluni sulissussinissaq pingaarnertut siunertarineqarluni, imaluunniit imarsiortunut amerlasuunut inuttanngortitsisartut imaluunniit sulilernissamut akunniliulluni sulissussisartut, taamaaliorsinnaanermut Søfartsstyrelsimit akuersisummik peqarunik aatsaat Kalallit Nunaata killingisa iluanni ingerlatsisinnaapput.

Imm. 2. Umiarsuaatillip, imarsiortunut inuttanngortitsinissamut- aamma akunniliulluni sulissussisut namminersortunik kalaallinik atuisup, sullissiviup pineqartup imm. 1 malillugu akuersisummik atuuttumik peqarnissaa qulakkiissavaa.

§ 8 b. Kalaallit Nunaanni imarsiortunik inuttanngortitsinermik aamma akunniliulluni sulissussinermi tulluuttut atuupput,

- 1) allagartamik akuersisummik atulersitsineq piffissamut killilimmut tunniunneqassaaq aamma allagartamik akuersisummik atulersitsinermi piumasaqaatit imaluunniit inatsit manna malillugu malittarisassat unioqqutinneqarneranni taanna utertinneqarsinnaavoq,
- 2) inuttanngortinneqarnissaq pillugu isumaqatigiinniarnermi suugaluartumiluunniit imarsiortoq umiarsuarmik suugaluartumiluunniit qinersinissaminut pisinnaatitaavoq, soorlu aamma umiarsuaatilik imaluunniit umiarsuup naalagaa kiffaanngissuseqarlutik inuttassaminik qinersisinnaasut, aamma
- 3) akissarsiat- aamma atorfinitsinneqarneq pillugu isumaqatigiissummi, akuusut soqutiginnittut tamarmik illersorneqarnerannut qularnaveeqqut pissarsiarineqarsimasoq aamma isumaqatigiissummik misissuinissaminut imarsiortoq naammattumik piffissalerneqassasoq takuneqarsinnaassaaq.

Imm. 2. Kalaallit Nunaanni imarsiortunut inuttanngortitsineq aamma Akunniliulluni sulissussineq pillugit Søfartsstyrelsi malittarisassanik erseqqinnerusunik aalajangersaasinnaavoq.

§ 8 c. Umiarsuaatillit, nunani, imarsiortut sulineranni atugassarititaasut pillugit ILO-p isumaqatigiissutaannik imaluunniit imarsiortunut inuttanngortitsisarneq aamma akunniliulluni sulissussineq pillugu ILO-p isumaqatigiissutaanik nr. 179-imik (1996-imeersumik) atortussanngortitsisimasunik, imarsiortunik inuttanngortitsinermik- aamma akunniliulluni sulissussisut namminersortunik atuisut, kiffartuussiviit pineqartut allagartamik akuersisummik imaluunniit akuersisummik, isumaqatigiissummi pineqartumi piumasaqaatinut naapertuummik ingerlatsinerannik uppenarsaataasumik peqarnerat, qulakkiissavaat. Nuna pineqartoq allagartanik akuersissutinik imaluunniit akuersissutinik taamaattunik inuttanngortitsinermut- aamma akunniliulluni sulissussisunut namminersortunut atulersitsisanngippat, sullissiviit pineqartut isumaqatigiissutit taaneqartut arlaanni ataatsimi piumasaqaatinik naapertuuttumik ingerlanneqarnerat pisortatigoortumik arlaatigut uppenarsarneqarnissaa umiarsuaatillip qulakkiissavaa.

Imm. 2. Nunani, imarsiortut sulineranni atugassarititaasut pillugit ILO-p isumaqatigiissutaannik imaluunniit imarsiortunut inuttanngortitsisarneq aamma akunniliulluni sulissussineq pillugu ILO-p isumaqatigiissutaanik nr. 179-imik (1996-imeersumik) atortussanngortitsisimanngitsuni, imarsiortunik inuttanngortitsinermik- aamma akunniliulluni

sulissussisunik namminersortunik umiarsuaatillit atuisut, sullissiviit pineqartut imarsiortunik inuttanngortitsinermik- aamma akunniliulluni sulissussisut pineqartut, isumaqatigiissutit pineqartut malitsigisaannik, imarsiortunik inuttanngortitsinernut- aamma akunniliulluni sulissussinernut piumasaqaatit eqqortinneqarnerat, uppersarsinnaasariaqassavaat.

Imm. 3. Nunami, imarsiortut sulineranni atugassarititaasut pillugit ILO-p isumaqatigiissutaannik imaluunniit imarsiortunut inuttanngortitsisarneq aamma akunniliulluni sulissussineq pillugu ILO-p isumaqatigiissutaanik nr. 179-imik (1996-imeersumik) atortussanngortitsisimanngitsumi, umiarsuaatillip imarsiortunik inuttanngortitsinermik- aamma akunniliulluni sulissussisut namminersortunik atuisinnaanera Søfartsstyrelsen akuerisinaavaa, aamma akuersissuteqarnerminut atatillugu aningaasartuutit matussuserneqarnissaannut akiligassap akileqqussallugu. Akuersissut piffissamut killilimmut tunniunneqassaaq aamma utertinneqarsinnaavoq.

Imm. 4. Imarsiortunik inuttanngortitsinermik- aamma akunniliulluni sulissussisut nunani pineqartuni immikkoortuni pingaarutilinni imarsiortut sulineranni atugassarititaasut pillugit ILO-p isumaqatigiissutaani imaluunniit imarsiortunut inuttanngortitsisarneq aamma akunniliulluni sulissussineq pillugu ILO-p isumaqatigiissutaani nr. 179-imi (1996-imeersumi) piumasaqaatinik naammassinninngippata, nunani erseqqinnerusumik taasani imarsiortunik inuttanngortitsinermik- aamma akunniliulluni sulissussisut atornerqarnissaat Søfartsstyrelsen inerteqqutigisinaavaa.

§ 8 d. Kalaallit Nunaanni imarsiortunik inuttanngortitsinermik- aamma akunniliulluni sulissussisut imaluunniit imarsiortunik inuttanngortitsinermik- aamma akunniliulluni sulissussisut namminersortut, § 8 c, imm. 3 malillugu akuerisaasut pillugit naammagittaalliuutit, Søfartsstyrelsimut tunniunneqarsinnaapput.

§ 8 e. Umiarsuup aqumiuni imaluunniit umiarsuaatillit allaffissornikkut kiffartuisui aalajangersimasut atorlugit, § 8 b-p malitsigisaanik malittarisassat atulersinneqarsimasut isiginiarlugit, umiarsuaatillip kialluunniit kiffaanngissuseqarluni umiarsuaatiminut inuttanik pissarsisinaavoq, kisianni ikiuinermut imarsiortup akiliinissaa pillugu piumasaqaateqartoqarsinnaanngilaq.

§ 8 f. Imarsiornermik ilinniarfinni ilinniartunut suliffinnik sungiusarfinnik Søfartsstyrelsi akunnermuliuttuusinaavoq.

2. Imarsiortup soraarnissaminik piumasaqaateqarsinnaanera aamma imarsiortut qimataasa aningaasatigut illersorneqarnerat

§ 9. Imminut eqqarsaatigaluni, erninissaq pisussaq imaluunniit meeraq pillugu tamanna pisariaqarpat, imarsiortoq naartusoq soraarnissaminik piumasaqaateqarnissamut pisinnaatitaaffeqarpoq. Soraarnissamut pisinnaatitaaffeqarneq aamma naalagaaffiup akiligaanik pineqartup akeqanngitsumik Kalaallit Nunaanni najukkaminut angerlarnissamut

angalasinnaatitaaneq nerisaqarsinnaatitaanerlu pillugit erhvervsministeri malittarisassanik aalajangersaasinnaavoq.

§ 10. Imarsiortoq umiarsuarmi inuttanngornermi kingorna, umiarsuarmi allami atorfimmik, massakkut atorfigisaminit qaffasinnerusumik, imaluunniit imminut pingaaruteqartumik atorfinitsinneqarsinnaanini pillugu nalunaarfigineqaruni, imaluunniit pissutsit allat, atugarissaarneq pillugu soraarnissamut aalajangiisunngortitsippata, imarsiortoq aamma soraarnissaminik piumasaqaateqarsinnaavoq. Umiarsuaq taamaaliornikkut angalasinnaajunnaarpat, taamaattoq nammineq taarserluni inuk piukkunnaateqartoq pissarsiarineqarsinnaapput, imarsiortoq oqaaseqatigiit siulliit malillugit taamaallaat soraarnissaminik piumasaqaateqarsinnaavoq.

Imm. 2. Imm. 1 malillugu inummik nutaamik pissarsinermi umiarsuaatillip aningaasartuutai imarsiortup taarsissavai. Imarsiortup piffissaq suliffissaa sinneruttoq aamma pissutsit assigiinngitsut allat eqqarsaatigalugit, taarsiissut appartinneqarsinnaavoq imaluunniit atorunnaarsinneqarsinnaavoq.

Imm. 3. Lønmodtagernes Garantifond, kunngip peqqussutaatigut atuutilersinneqartoq, pillugu inatsimmi § 1-imi malittarisassamut atatinneqarsinnaasumik atorfinitsinneqarnermi pisoqarpat, imaluunniit umiarsuaatilik imarsiortup atorfinitsinneqarnermini isumaqatigiissutaanik pingaarutilimmik sumiginnaappat aamma imarsiortoq inatsimmi malittarisassat allat malillugit soraarnissaminik pisinnaatitaaffeqanngippat, imarsiortup soraarnissani piumasaqaatigisinnaavaa. Tamatuma kingorna imarsiortup angerlarsimaffianut nerisaqartinneqarluni angalanera umiarsuaatillip akilissavaa.

§ 10 a. Inunnut, taakkua atorfinitsinneqarnerminni isumaqatigiissutaasa umiarsuaatillip pingaarutilimmik sumiginnaanerata malitsigisaanik qallunaat umiarsuaanni Kalaallit Nunaanni angerlarsimaffilimmi imaluunniit nunat allat umiarsuaanni Kalaallit Nunaanni umiarsualiviani qimanneqartunut, aningaasartuutit tulluuttut matussuserneqarnissaannut Søfartsstyrelsi tapiissutinik tunisisinnaavoq

- 1) angerlarluni angalanissap tungaanut umiarsuarmi nerisaqartinneqarnermut, matumani nerisaqarneq, kiassarnerup qulakkeerneqarnera, innaallagiaqarneq, attaveqaqatigiinneq, eqqiluisaarneq aamma pisariaqartinneqartumik nakorsamit katsorsarneqarneq il.il., aamma
- 2) tamanna inatsimmi aalajangersakkanit allanit malitsigineqanngippat, angerlarluni nerisaqartinneqarluni angalanek.

Imm. 2. Imaani ujajaanermut atatillugu imarsiortoq sallunaveeqqutitut tigusaappat, imarsiortup sallunaveeqqutitut tigusaqqanerani, taakku pilersorneqarnissaminut aningaasaateqanngippata, imaluunniit ikittuinnernik aningaasaateqarpata, imarsiortup aappaanut meeraanullu, imarsiortup pilersussallugit pisussaaffigisaanut, 18-it inorlugit ukiulinnut, Søfartsstyrelsi nerisaqartinneqarnissamut naleqquttunik tapiisinnavaq.

Imm. 3. Imm. 1-imi aamma 2-mi tapiissutitut taaneqartunut immikkut ittumik aningaasanik agguagassanik aningaasaliisoqartarpoq, taakkulu annertussusaat ukiumoortumik aningaasanut inatsisini aalajangersarneqartarput.

Missingiut

§ 11. Tulliuttut pippata, imarsiortoq soraarnissaminik piumasqaateqarsinnaavoq:

- 1) umiarsuaq angalasinnaanngippat, imaluunniit inuttat isersimaartarfii peqqissutsinut navianaateqarpata, aamma umiarsuup naalagaata amigaatit iluarsineqarnissaat isumaginngippagu,
- 2) § 56-imut akerliusumik umiarsuup naalagaata umiarsuaq misissortinngippagu, imaluunniit
- 3) naak umiarsuup naalagaata taama pisoqarsimaneranik ilisimasaqaraluarluni, imarsiortoq umiarsuarmi naalliutsinneqarsimasooq illersunngippagu.

Imm. 2. Imarsiortoq, imm. 1 malillugu soraartoq, § 18, imm. 1 aamma 2 malillugit akeqanngitsumik nerisaqartinneqarluni angalasinnaanermut pisinnaatitaavoq.

§ 12. Inuttanngortinneqarnerup kingorna, umiarsualivimmi umiarsuup aqquasaagassaani, nappaammik navianartumik tunillaassuuttoqarnera takuneqarsinnaalerpat, imarsiortoq soraarnissamik piumasqaateqarnissamik pisinnaatitaavoq.

Imm. 2. Umiarsuup angalanissamut pilersaarutaa taassanilu allannguutit ilanngullugit, allagarsiussinikkut imalluunniit allatigut inuttanut ilisimatitsissutigineqarnissaa umiarsuup naalagaataa pisussaaffigaa.

Imm. 3. Pissutsit pillugit imarsiortup ilisimasaqalernerata kingorna piaarnerpaamik soraarnissamik piumasqaat saqqummiunneqassaaq. Angalaneq suli aallartinneqarsimanngippat, imarsiortoq erngerluni soraarnissamik pisinnaatitaavoq, aamma imaluunniit umiarsualivimmi siullermi imaluunniit kisarfissami siullermi umiarsuup aqqusaagaani soraarsinnaatitaalluni. Sumiiffinni pissutsinik imm. 1-mi taaneqartunik atuuffiusuni umiarsuup saneqqunnissaa sioqqullugu, umiarsuaq umiarsualivimmik imaluunniit kisarfissamik aqqusaagaqassanngippat, pineqartup nunamukaannissaanut periarfissaqalerpat, umiarsuup naalagaata imarsiortup noqqaassuteqarneratigut taassuma soraarnissaa akuerissavaa.

Imm. 4. Imarsiortoq soraarpat, imarsiortup angerlarsimaffimminut imaluunniit umiarsuaatillip aalajangiinera malillugu inuttanngorfianut nerisaqartinneqarluni angalanissaanut aningaasartuutit umiarsuaatillip akilissavai, aamma naalagaaffiup umiarsuaatilimmut aningaasartuutit 25 pct.-ii utertissavai.

Imm. 5. Soraarfimmi qallunaat umiarsuaanni Kalaallit Nunaanni angerlarsimaffeqartumi imarsiortumut atorfiup assinganik atorfinitsitsisoqarsinnaappat, imm. 4 atuutissanngilaq.

§ 13. Imarsiortoq angalanermut aalajangersimasumut umiarsuarmi inuttanngortinneqarsimappat, aamma angalaneq taanna annertuumik allanngortinneqarsimappat, imarsiortoq soraarnissaminik piumasqaateqarsinnaavoq. § 12, imm. 3-mi oqaaseqatigiit siulliit aamma oqaaseqatigiit aappaat taamatuttaaq atuutissapput.

Imm. 2. Imarsiortoq soraarpat, kiffartuussinerup naanerata kingorna qaammammi ataatsimi akissarsinissaminut pisinnaatitaaffeqarpoq. Aammattaaq, angalanerup aallartinnginnerani soraaruni sumiiffimmut inuttanngorfiminut, aamma taamaanngippat sumiiffimmut

soraarfissatut isumaqatigiissutigineqartumut akeqanngitsumik nerisaqartinneqarluni angalasinnaatitaavoq.

§ 14. Umiarsuup qallunaat erfalasuanik imaluunniit kalaallit erfalasuannik erfalasoqarsinnaatitaanini annaappagu, isumaqatigiissummi allamik malitseqartitsisoqanngippat, imarsiortoq sorarnissaminik piumasaqaateqarsinnaavoq.

Imm. 2. Umiarsuaq umiarsuaatilimmit kalaallimit allamit tiguneqarpat, aamma imarsiortup umiarsuup naalagaanit apeqquteqarfigineqarnermini umiarsuaatilimmi nutaami sulisinneqarnissani ingerlateqqinniarlugu kissaatiginagu piaartumik nalunaarutigippagu, tamanna aamma atuuppoq.

Imm. 3. Imm. 1 malillugu imarsiortup sulisinneqarnera taamaatinneqarpat, § 18, imm. 1 aamma 2 malillugit imarsiortoq taarsiivigineqarnissamik aamma akeqanngitsumik nerisaqartinneqarluni angalanissaminut pisinnaatitaaffeqarpoq.

§ 15. Imarsiortoq, isumaqatigiissut imaluunniit kapitalimi matumani malittarisassaq malillugu soraarsinnaatitaasoq, umiarsuaq umiarsualivimmut pippat, kiffartuussinermigut suliasat pisariaqartinneqartinneqartumik suliarineqartussat pillugit ikiuulluni sulinnassaaq, taamaattoq apuunnerup kingorna kiffartuussinerup taassuma nalunaaquttap akunneri 48-t qaangissanngilai. Taamaattoq tamanna § 18 e, imm. 1 malillugu soraarnermi atuutinngilaq.

Imm. 2. Immakut ajutoornermut tunngasumik nassuiaat tunniunneqassappat, nassuiaatip tunniunneqarnerata tungaanut imarsiortoq akissarsiaqartinneqarluni nerisaqartinneqarluni sumiiffimmiissaaq.

3. Umiarsuup naalagaata imarsiortumik soraarsitsinissamik pisinnaatitaaffia

§ 16. Imarsiortoq, napparsimanerup imaluunniit timikkut ajoqusernerup malitsigisaanik piffissami sivisunerusumi suliaminik suliaqarnissaminut naleqqukkunnaartoq, imaluunniit nappaammik umiarsuarmiittunut navianaammik kinguneqartumik nappaateqartoq, umiarsuup naalagaata soraarsissinnaavaa, taamaattoq naligiissitaaneq assigiinngisitsinninnissarlu pillugit inatsisartut inatsisaanni § 17 takuuk. Akissarsiaqartinneqarnissamik pisinnaatitaaneq il.il. pillugit §§ 29 aamma 30 atuupput.

§ 17. Umiarsuup naalagaata imarsiortoq soraarsissinnaavaa, taanna:

- 1) kiffartuussinissaminut atorsinnaanngippat,
- 2) piffissaq eqqorlugu umiarsuarmut ikinngippat, aamma umiarsuaq aallartussaappat, imaluunniit taanna taarserlugu alla atorfinitsinneqartariaqarpat,
- 3) kiffartuussinermi ingasattumik kukkuluttorpat, soorlu uteqqiattumik naalaalliorpat, umiarsuarmiittunut allanut sakkortuumik pissusilersorpat imaluunniit uteqqiattumik aalakooppat,
- 4) tillinniarnermik imaluunniit ingasattumik pinerluttuliornermik pisuutinneqarpat,

Missingiut

- 5) umiarsuarmi inunnik toqqorsinermigut umiarsuaq ilungersunartumik ajornartorsiortippagu,
- 6) umiarsuarmi pigisanik akitsuusersorneqarnissamik pisussaaffiusunik, imaluunniit aallarfinnit nassarneqaqqusaanngitsunik, imaluunniit tikiffissamut eqqunneqaqqusaanngitsunik toqqorsisimappat, imaluunniit
- 7) § 64-imut akerliusumik kiffartuussinissaq pillugu isumaqatigiinngissutit nunani allani eqqartuussivimmut saqqummiuppagit.

Imm. 2. Imm. 1, nr. 3-miit 7 ilanngullugu malittarisassat malillugit umiarsuup naalagaata imarsiortoq soraarsinniarpagu, pissutsit soraarsitsinermut tunngaviliisut pillugit paasisaqarnerminit, pissutit immikkut ittut piffissaliussap taassuma qaangerneqarneranik pisariaqartitsilersitsinngippata, piaarnerpaamik aamma kingusinnerpaamik ullut 7 kingorna, tamanna imarsiortumut nalunaarutigissavaa.

Imm. 3. Imm. 1 malillugu imarsiortoq soraarsinneqarpat, kiffartuussisimanini sinnerlugu akissarsitinneqarnissaminik imarsiortoq pisinnaatitaanngilaq. Imm. 1, nr. 2 malillugu soraarsitsinermi imarsiortoq pisuunngitsoq paasineqarpat, aamma imarsiortoq napparsimaneq imaluunniit timikkut ajutoorneq pissutigalugu sulisinnaanngippat, taamaattoq imarsiortoq § 29, imm. 2 malillugu akissarsitinneqarnissamik pisinnaatitaaffeqarpoq.

§ 18. Pissutsinik § 16-imi imaluunniit §17-imi taaneqartunik pissuteqarnani imarsiortoq soraarsinneqarpat, Kalaallit Nunaanni taarsiissuteqartarneq pillugu malittarisassat nalinginnaasut aningaasanik amerlanerusunik periarfissaliissuteqanngippata, soraarsinneqarnerup kingorna imarsiortoq qaammatini 2-nni akissarsitinneqarnissamik pisinnaatitaaffeqarpoq.

Imm. 2. Aammattaaq najukkaminut imaluunniit soraarfissamut allamut isumaqatigiissutigineqartumut umiarsuaatillip akiligaanik nerisaqartinneqarluni akeqanngitsumik angalanissamut imarsiortoq pisinnaatitaavoq

Imm. 3. Soraarsitaanissamut piffissaliussap naanissaa sioqqullugu, soraarsitaanerup kingorna imarsiortoq isumaqatigiissut malillugu imaluunniit § 6 malillugu sumiiffimmi soraarfiusussami umiarsuup naalagaanit aalajangerneqartumi piffissaliussap naanissaata tungaanut akissarsialerluni nerisaqartinneqarlunilu soraarpat, imm. 1 aamma 2 atuutissanngillat.

3 a. Sorsuttoqarnissaanik navianaateqartillugu il.il. imarsiortup kiffartuussinermiit soraarnissamik pisinnaatitaaffia aamma immami ujajaasoqarnissaanut navianartorsiorfimmi imarsiortunut isumassuinissamik umiarsuaatillip pisussaaffia

§ 18 a. Umiarsuaq umiarsualivimmit aallartinnani sumiiffimmut, tulluuttunik pisoqarfiusinnaasumut angalanissamik naalakkerneqarpat, imarsiortoq erngerluni soraarnissaminik pisinnaatitaavoq aamma taamaassinnaanngippat umiarsualivimmi imaluunniit kisarfissami siullermi umiarsuup aqquasaagassaani soraarsinnaatitaavoq,

Missingiut

- 1) sorsuttunit umiarsuup tigusaanissaa navianaateqarpat, sorsunnermit ajoquserneqarpat imaluunniit matumuuna assersuunneqarsinnaasumik aarlerinartumik pisoqarsinnaappat, imaluunniit
- 2) aarlerinaat taamaattoq annertuumik annertusisimappat.

Imm. 2. Aallarnerup kingorna umiarsuaq sumiiffimmut imm. 1-imi taaneqartumut angalanissamik naalakkerneqarpat, umiarsuarmi kiffartuussinnerminit soraarnissani imarsiortup tamatigut pisinnaatitaaffigaa.

Imm. 3. Umiarsuup umiarsualivimmit kingullermit aallareerneranit imm. 1, nr. 2-imi taaneqartut pisut pippata, pissut alla pissutigalugu nunamut attaveqarneq pilersinneqarpat, imarsiortup umiarsuarmi kiffartuussinnerminit soraarnissani pisinnaatitaaffigaa.

Imm. 4. Umiarsuup angalanissamut pilersaarutaa taassanilu allannguutit ilanngullugit, allagarsiussinikkut imalluunniit allatigut inuttanut ilisimatitsissutigineqarnissaa umiarsuup naalagaataa pisussaaffigaa.

Imm. 5. Pissutsit pillugit imarsiortup ilisimasaqalernerata kingorna piaarnerpaamik soraarnissamik piumasagaat saqqummiunneqassaaq.

§ 18 b. § 18 a-mi aalajangersakkat malillugit imarsiortoq soraarpat, umiarsualivik soraarfiussaaq pillugu § 6-mi aalajangerneqartut apeqqutaatinnagit, akuusut tamarmik immikkut isumaqatigiissutigineqartut imaluunniit § 5-imi imaluunniit § 37-imi soraarnissamut/soraarsitsinissamut ilimasaarinerit malillugit kiffartuussineq taamaatitissinnaavaat.

Imm. 2. Kiffartuussineq imm. 1 malillugu taamaatitinneqarpat, angerlarsimaffimmut imaluunniit umiarsuaatillip aalajangiineratigut sumiiffimmut inuttanngorfiusumut nerisaqartinneqarluni angalanermut aningaasartuutit 75 pct.-ii aamma naalagaaffiup 25 pct.-ii akilissavaat. Naalagaaffiup akiliutissai umiarsuaatillip akileqqaassavai, taakkulu Søfartsstyrelsimit utertinneqassapput.

Imm. 3. Soraarfimmi qallunaat umiarsuaanni Kalaallit Nunaanni angerlarsimaffeqartumi imarsiortumut atorfiup assinganik atorfinitsitsisoqarsinnaappat, imm. 2 atuutissanngilaq.

Imm. 4. Soraarfimmi akunninnerani imarsiortup nerisaqarnissaanut aningaasartuutit umiarsuaatillip akilissavai.

Imm. 5. Kiffartuussineq atuukkallartillugu, umiarsuarmi atorfinitsitanut § 35 taamatuttaaq atuuppoq.

§ 18 c. Imaq angallavik imaluunniit umiarsualiviit, imaani ujajaaffigitinnissamik navianaateqarfiusut, umiarsuup aqqusaarpagit, imarsiortunik isumassuinissaminik umiarsuaatilik pisussaaffeqarpoq. Saassunneqarsinnaanermut, saassussinerit pitsaalliorneqarnissaannut aamma pisuni, umiarsuaq saassunneqartillugu isumagisassat isumagineqarnissaannut, matumani inuttaasut sallunaveeqqutitut tigusaanerit ilanngullugit, umiarsuup inuttallu piareersimatinneqarnissaat siunertaralugu, umiarsuaatillit pitsaasumik sulisaaseqarnerattut isigisaasut naapertorlugit, umiarsuaatilik iliuusissamik aalajangiissaaq.

*3 b. Naartunermut erninermullu atatillugu imarsiortup kiffartuussinissamut
pisussaajunnaarsitaanera*

§ 18 d. Naartuneq erninerlu pissutigalugit umiarsuarmi imarsiortup kiffartuussinissamut pisussaajunnaarsitaanera pillugu erhvervsministeri malittarisassanik erseqqinnerusunik aalajangersaassaaq.

Imm. 2. Imarsiortoq, naartuneq pissutigalugu soraartoq, imaluunniit § 9 malillugu soraarnissaminik piunasaqaateqartoq, naartunermi-/erninermi akissarsiaqartinneqarnissamik pisinnaatitaavoq. Taanna allamik suliffeqanngippat, aamma piffissamit soraarfiusumit sivisunerpaamik qaammatit 2 tamanna taamaallaat atuutissaaq.

Imm. 3. Umiartortup kiffartuussinissamik isumaqatigiissutaa piffissamut aalajangersimasumut killilerneqarsimappat, taamaattoq imm. 2 malillugu umiarsuaatillip akissarsiaqartitsinissaa, piffissamut isumaqatigiissut malillugu atorfinitsitaanermi atugassarititaasut atorunnaarnissaat qaangerlugu sivitsorneqarsinnaanngilaq.

*3 c. Ilaquttanut tunngasut malitsigisaannik pisariaqartumik imarsiortut
sulinnigiffeqarallarsinnaanermik pisinnaatitaaffiat*

§ 18 e. Pisuni, ilaquttanut tunngasuni napparsimanerit imaluunniit ajutoornerit pissutigalugit imarsiortumut pisariaqavissumik angerlarsimaffimmini erniinnaartumik najuuttariaqalersitsisuni (force majeure), imarsiortoq akissarsiaqarani sulinnigiffeqarallarsinnaanermik pisinnaatitaavoq.

Imm. 2. Sulinnigiffeqarallarnernup nalaani, umiarsualivik soraarfiusussaq pillugu § 6-imi aalajangerneqartoq apequtaatinagu, § 5-imi imaluunniit § 37-imi soraarnissamut ilimasaarinerit ilimasaarutigalugit, imarsiortup kiffartuussineq atorunnaarsissinnaavaa.

4. Umiarsuup annaaneqarnerani kiffartuussinerup atorunnaarsinneqarnera

§ 19. Imaani ajunaarnikkut umiarsuaq annaaneqarpat, imaluunniit imaani ajunaarnerup kingorna iluarsaanneqarsinnaanngitsutut umiarsuaq isigineqarpat, isumaqatigiissut allatut malitseqanngippat, imarsiortup kiffartuussinera atorunnaarsinneqassaaq. Taamaattoq umiarsuarmik umiarnikumik annaassiniarnermi akilersilluni nerisaqartinneqarluni peqataassaaq aamma immakkut ajutoornermut tunngasumik nassuiaatip tunniunneqarnissaa tikillugu sumiiffimmiissalluni.

Imm. 2. Taaneqartutut kiffartuussineq atorunnaarsinneqarpat, imarsiortoq pisariaqartinneqartunik atisaqartinneqarnissamik kiisalu umiarsuaatillip akiligaanik najukkaminut nerisaqartinneqarluni akeqanngitsumik angalanissaminut pisinnaatitaavoq.

Imm. 3. Imm. 2-mi taaneqartumi angerlamut angalanermi imarsiortoq akissarsitinneqarnissamik pisinnaatitaavoq. Aammattaaq piffissami umiarnernup malitsigisaanik suliffissaarusimaffimmini, taamaattoq imm. 1 malillugu inuttanngortinneqarnerminit, sivisunerpaamik qaammatini 2-nni akissarsiaqarsinnaanermik pisinnaatitaaffeqarpoq.

§ 19 a. Imarsiortut, imaani ujajaanermut atatillugu sallunaveeqqutitut tigusaasut, soraarsinneqarsinnaanngillat. Naak umiarsuaq imaani ujajaanermut atatillugu annaaneqaraluartoq, imaluunniit umiarsuaatillip umiarsuaq atorsinnaajunnaarpagu, atorfinitsitaanermi atugassarititaasut taamaatissanngillat.

Imm. 2. Sallunaveeqqutitut tigusaasut iperagaanerminni nammineq angerlarsimaffimminut, umiarsuaatillip akiligaanik akeqanngitsumik nerisaqartinneqarlutik angalanissamut pisinnaatitaapput.

5. Soraarnermi malittarisassat ataatsimoorussat ilaat

§ 20. Umiarsualivimmi allanartami, imarsiortup soraarfissaani, oqartussaasut nunamut isernissaa inerteqqutigippassuk imaluunniit qularnaveeqqummik nammineq qularnaveeqqusiussinnaanngisaanik qularnaveeqquteqarnissamik isernissaanut piumasaqaateqarpata, imarsiortoq umiarsualivimmut soraarfiup pisinnaaffianut tikinnissami tungaanut suliffimminiiginnassaaq. Aamma imarsiortoq, tamanna naleqquttutut isigineqarpat, suliffimminiiginnarnissaminik pisinnaatitaavoq.

6. Akissarsiat naatsorsorneqartarnerat akilerneqartarnerallu

§ 21. Umiarsuarmi imarsiortup ullormit sulilerneranit akissarsiat naatsorsorneqassapput. Tamanna sioqqullugu umiarsuaatillip piumasaqarneratigut umiartortutut atuagaatini imaluunniit passini tunniukkuniuk imaluunniit umiarsuarmut ikiniarluni umiarsuup sumiiffianut angalasariaqaruni, taamaattoq akissarsiat ullormit tunniussiffimmit imaluunniit angalanerup aallartiffianit naatsorsorneqassapput.

Imm. 2. Akissarsiat naatsorsorneqarnerat kiffartuussinerup ulloq taanna atorunnaarsinneqarnerata tungaanut naatsorsorneqassapput, imaluunniit ullup taaneqartup kingorna soraarnek pippat, ulloq soraarfiusoq ilanngullugu naatsorsorneqassallutik.

Imm. 3. Piffissamut, umiartortup pisinnaatitaanani sulinissaminik sumiginnaanerani, akissarsisitsisoqassanngilaq.

§ 22. Qaammatip ilaanut tassunga akissarsiat naatsorsorneqarneranni, ullut ataasiakkaarlugit qaammammut akissarsiat 1/30-iinut naatsorsorneqassapput.

Imm. 2. Angalanermut akissarsiat aningaasartaat aalajangersimasut isumaqatigiissutigineqarpata, pisuni piffissap qaangiunnerani akissarsiat naatsorsorneqarnissaannut sulisinneqarnissamut isumaqatigiissummi angalanerup sivilissuseriunnagaa allanneqarsimasoq tunngavigineqassaaq.

Imm. 3. Inuttanngornermi angalaneq naak naatsorsuutigisamit sivilinnerugaluartoq, imarsiortup akissarsiassatut isumaqatigiissutigineqarsimasut tamaasa piumasaqaatigissallugit pisinnaatitaaffigaa. Angalaneq naatsorsuutigisamit sivilunerussappat, allatut isumaqatigiissuteqartoqarsimanngippat, atsikkutigiissaakkamik tapimik imarsiortoq piumasaqaateqarnissamik pisinnaatitaataavoq.

Missingiut

§ 23. Atorfininnermi naatsorsuutigineqartutut inuttat ikinnerusut inuttaralugit angalaneq tamakkiisumik ilaannakoortumillunniit angallavigineqarpat, imaluunniit inuttat sulisinneqarsinnaasut angalanerup nalaani ikilippata, sulisinnaasut ikilinerisa kinguneranik inuttat sinneruttut annertunerusumik suliassinneqarnerat qularnarunnaarsinneqanngippat, umiarsuup imaani angalanerani akissarsiassat sipaarneqartut umiartortunut, inuttaasut ikilisut akornanni sulisunut, assigiimmik agguarneqassapput.

Imm. 2. Akissarsiassani sipaarneqartuni, qaangiuttoornernut, inuttat ikilinerannik pissuteqartunut, akissarsiaritinneqartunut aningaasartuutit amerleriarnert ilanngaaticineqassapput.

Imm. 3. Imarsiortup akissarsiani sipaakkani agguagarsiassanik pisinnaatitaanerata nammineq akissarsiassaminik tigusassai qaangissanngilaat.

Imm. 4. Aquttoq ataasiinnaq kiserngoruppat, aquttut akissarsiassai sipaakkat aquttup umiarsuullu naalaagaata akornanni assigiimmik avinneqassapput.

§ 24. Akissarsiat annerpaamik qaammammik 1-mik akunnilerlugit akilernerqartassapput.

Imm. 2. Taamaallaat umiarsuup umiarsualivimmiinnerani imarsiortup akissarsiassani akileqqusinnaavai, aamma nunami tassani ullut arfineq marlukkaarlugit akulikinnerusumiunngitsumik akissarsitinneqarsinnaavoq.

Imm. 3. Imarsiortoq aningaasat allagartaannik umiarsuaatilimmut piumasaqarsimanngippat, akissarsiat aningaasanngorlugit akilernerqassapput. Sumiiffimmi nunap aningaasaanik ullormi nalinginut akileqqullugit piumasaqaaticineqarsinnaapput.

Imm. 4. Akissarsiat inummut aalajangersimasumut nuunneqarnissaat imarsiortup piumasaqaatigisinnaavaa. Taamaattoq nuussinerit pappiarartaat peqatigiit pingasunit amerlanerusut kingorna tigusinissani piumasaqaatigisinnaanngilaa.

Imm. 5. Akissarsiani tamakkerlugit imaluunniit ilaannai aningaaserivimmut ataatsimut imaluunniit arlalinnut nuunneqarnissaat imarsiortup piumasaqaatigisinnaavai.

§ 25. Imarsiortoq akuersiteqqaarnagu, aningaasat amerlassutaat taakku taaneqartut, immikkut ittumik inatsimmi aalajangersakkat malillugit umiarsuaatilimmut uninngatissallugit naalakkiutigineqartut, saniatigut, taarsiisussatut akisussaaffiit umiartortup sulisinneqarnermini akisussaaffigilersimasaasa matussuserneqarnissaannut aningaasat amerlassusaat akissarsiani taamaallaat ilanngaaticineqarsinnaapput. Imarsiortoq allatut aalajangiisimatinnagu, akissarsiani umiartortumut akilernerqartuni ilanngaassineq, akissarsianit nuussinikkut akilernerqartunit taarsiullugu, umiartortumut tunniunneqartuni ilanngaaticineqassapput.

Imm. 2. Atorfinitsinneqarnissamik isumaqatigiissutip isumaqatigiissutigineqarnerani imaluunniit kiffartuussinissap akuerineqarnerani, imarsiortup angerlarnissamut aningaasartuutitut matussutissanik siumoortumik akiliuteqarnissaa, umiarsuaatillip piumasarisinnaanngilaa.

Imm. 3. Atorfinitsitaanermi atugassarititaasut malillugit pisussaaffimminik imarsiortoq pingaarutilimmik sumiginnaasimasooq umiarsuaatillip paasisimaguniuk, § 17 malillugu

soraarnerup kingorna angerlarnissamut aningaasartuutitut, imarsiortup akissarsiaani il.il. ilanngaassinernik umiarsuaatilik taamaallaat suliaqarsinnaavoq.

§ 26. Akissarsiat iluanaarutigineqarsimasut tapit ilanngullugit, akissarsiat akilernerqarsimasut, aamma isumaqatigiisummit allaanerumsumik nunap allap aningaasai atorlugit akiliineq pisimappat, aningaasat nalingat tunngavigineqarsimasooq pillugit imarsiortumut qaammatikkaartumik nalunaarsuut tunniunneqassaaq.

7. Napparsimasunik paarsineq aamma napparsimasut akissarsiaqartinneqarnerat il.il.

§ 27. Umiarsuup naalagaata piumasarippagu, imarsiortoq nakorsamit misissorneqassaaq.

Imm. 2. Imarsiortup napparsimanera pissutissaqartumik ilimagineqarpat, umiarsuup naalagaata sapinngisamik imarsiortoq nakorsamit misissortissavaa.

Imm. 3. Imm. 1 aamma 2 malillugit nakorsamit misissorneqarnerit imarsiortumut aningaasartuutaanngitsumik suliarineqassapput.

Imm. 4. Imarsiortoq napparsimappat ajoqusersimappalluunniit, umiartortup umiarsuarimi imaluunniit nunami illersorneqarsinnaasumik paarsarineqarnissaa umiarsuup naalagaata isumagissavaa, matumani nerisaqartinneqarneq, nakorsamit ikiorneqarneq aamma nakorsaati ilanngullugit.

Imm. 5. Imarsiortup nappaammik, umiarsuarimiittunut allanut navianartorsiortinneqarnermik kinguneqartumik napparsimanera, pissutissalimmik ilimagineqarpat, navianartorsiortinneqarneq pillugu iliuitsit toqqissisimalersitsisut umiarsuarimi aalajangerneqarsinnaanngippata, umiarsuup naalagaata imarsiortoq nunamukaatitissavaa.

Imm. 6. Imarsiortoq napparsimasooq ajoqusersimasorluunniit pigisaminik isumaginissinnaanngippat, umiarsuup naalagaata pigisaasa paarineqarnissaat isumagissavaa aamma imarsiortumut imaluunniit imarsiortup ilaqutaanut qaninnerpaamut nassiutissavai.

Imm. 7. Imarsiortoq napparsimasooq ajoqusersimasorluunniit nunami allami qimanneqarpat, imarsiortoq isumagineqartussanngorlugu konsuulimut umiarsuup naalagaata tunniutissavaa, imaluunniit qallunaat konsuuliannik sumiiffik peqanngippat, allakkut umiartortumut illersorneqarsinnaasumik paarsarineqarneq pissarsiarissavaa aamma qallunaat konsuuliat qaninnerpaaq nalunaaruteqarfigissallugu. Umiartortup tamanna kissaatigippagu, umiarsuup naalagaata umiartortup ilaqutattut qaniginerpaasai nalunaaruteqarfigissavai.

§ 28. Umiarsuup naalagaata nunami allami imarsiortoq napparsimasooq imaluunniit ajoqusernikoq qallunaat konsuuliannit isumagineqartussanngorlugu qimappagu, imarsiortup paarsarineqarneranut ilisaanerannullu atatillugu umiarsuaatillip §§ 30 aamma 34 malillugit aningaasartuutitut akiligassaanut qularnaveeqquseeqqullugu konsuuli piumasaqaateqarsinnaavoq.

Imm. 2. Imarsiortup aningaasat pisassai, imaluunniit § 29 malillugu piumasaqaatigissinnaasai, umiarsuup naalagaata konsuulimut tunniutissavai.

Imm. 3. Aningaasat amerlassusaat, aningaasartuutitut imarsiortup akiligassaannut matussutissatut naatsorsuutigineqanngippata, imaluunniit imarsiortoq ima issuseqarpat, namminermut tunngasunik isumaginninnissamut naleqqukkunnaarsimalluni, akissarsiat amerlassusaat, umiartortup pisassai, umiartortup akilernerqaqqullugit piomasaaqatigisinnaavai.

§ 29. Sulisinneqarnermi nalaani, naak napparsimanerup imaluunniit timikkut ajoqusernerup kingunerisaanik sulisinnaanngikkaluarluni, imarsiortoq akissarsitinneqarnissamik pisinnaatitaavoq.

Imm. 2. Imarsiortumut, umiarsuarmi kiffartuussinerup naanerani napparsimasumut imaluunniit ajoqusersimasumut tulluuttut atuupput:

- 1) Pineqartoq sulisinnaajunnaaqqatillugu, imarsiortup atorfinitsitaanerminut atugassarititaasut napparsimatilluni akissarsiat ingerlaannassapput, taamaattoq umiarsuarmi kiffartuussinerup naaneraniit sivisunerpaamik sapaatit akunnerini 16-ini.
- 2) Sapaatit akunneri 16-it, umiarsuarmi kiffartuussinerup naaneraniit naatsorsorneqartut sinnerlugit ingerlareernerisa kingorna, atorfinitsitaanerminut atugassarititaasut taamaatinneqarpat, napparsimanerminut akissarsiat atorfinitsitaanerminut atugassarititaasut taamaatinneqarnissaasa tungaannut ingerlassapput.
- 3) Piffissami pineqartup umiarsuaateqarfiup umiarsuaataanni kiffartuussitinnagu, imarsiortoq atorfinitsitaq sulisinnaajunnaarpat, sapaatit akunneri taakku 16-it piffissami sulisinnaajunnaarfimmiit naatsorsorneqassapput.

Imm. 3. Napparsimanerminut imaluunniit timikkut ajoqusersimanerminut ersiutit aalajangersimasut uppersarsarneqanngippata, taamaattoq pineqartup kiffartuussisimaneraniit sivisunerusumik akissarsinissaminut imarsiortoq pisinnaatitaanngilaq. Sulisinnaannginneq kinguaassiutitigut nappaammik pissuteqarpat, akissarsiat naalagaaffimmit akilernerqaqqullugit.

Imm. 4. Napparsimanerup imaluunniit ajoqusernerup atorfinitsinneqarnermini peqquserlulluni nipangiussimasami malitsigisaanik umiartortup sulisinnaannginnermini, imm. 1 imaluunniit 2 malillugu imarsiortoq akissarsitinneqarnissamik pisinnaatitaaffeqanngilaq. Imarsiortoq atorfinitsinneqarnermi kingorna piaarluni imaluunniit mianersuaalliorujussuarluni timiminik ajoquserpat imaluunniit napparsimalerpat, kinguaassiutitigut nappaatit minillugit, tamanna aamma atuuppoq.

§ 30. Imm. 4-miit 6 ilanngullugu ilanngussinnginnerit taaneqartut minillugit, kiffartuussinerup nalaani imarsiortup paarsarineqarneranut aningaasartuutit tamaasa umiarsuaatillip akilissavai.

Imm. 2. Kiffartuussinerup naanerani imarsiortoq napparsimappat ajoqusersimappalluunniit, imm. 4-miit 6 ilanngullugu ilanngussinnginnerit taaneqartut minillugit, umiarsuaatillip akiligaanik sapaatit akunneri 16-it tikillugit paarsarineqarnissamik pisinnaatitaavoq, taamaattoq nunamut najugaqarfimminut tikinnermi kingorna paarsaanerup sapaatit akunneri 2 qaangissanngilaa. Ullormit sorarfimmit, imaluunniit umiarsuarmut niusimanngippat, ullormit umiarsuup allarfanit piffissaq naatsorsorneqassaaq.

Missingiut

Imm. 3. Imarsiortoq napparsimaneq imaluunniit timikkut ajoquserneq pissutigalugu soraarpat, imaluunniit soraarnermini nappaammik imaluunniit ajoqusernermik, kiffartuussinerup atorunnaarsinneqarnissaa kinguneqartumik naalliuuteqarpat, aammattaaq angerlarsimaffimminut umiarsuaatillip akiligaanik nerisaqartinneqarluni angalanissaminut pisinnaatitaavoq. Imarsiortoq Kalaallit Nunaanni angerlarsimaffeqanngippat, tassunga taarsiullugu, oqartussaasut nunamut isernissaa inerteqqutiginnigippassuk imaluunniit qularnaveeqqummik nammineq qularnaveeqqusiussinnaanngisaanik qularnaveeqquteqarnissamik isernissaanut piunasaqaateqanngippata, imarsiortup inuttanngortinneqarnermini najugarisaanut imarsiortup akeqanngitsumik nerisaqartinneqarluni angalanissaa, taamaattoq umiarsuaatillip toqqarsinnaavaa.

Imm. 4. Napparsimaneq imaluunniit ajoquserneq pillugu atorfinitsinneqarnermini peqquserlulluni nipangiussisimaguni, imm. 1-imiit 3 ilanngullugu malillugit paarsarineqarnissamut imaluunniit akeqanngitsumik angalanissamut pisinnaatitaaffeqanngilaq. Imarsiortoq atorfinitsinneqarnermi kingorna piaarluni imaluunniit mianersuaalliorujussuarluni timiminik ajoquserpat imaluunniit napparsimalerpat, kinguaassiuutitigut nappaatit minillugit, tamanna aamma atuuppoq.

Imm. 5. Imarsiortoq Kalaallit Nunaanni najugalik kinguaassiuutitigut nappaateqarpat imaluunniit tuberkuloseqarpat, imm. 4 malillugu, imm. 2-mi aamma 3-mi paarsarineqarnermut aamma angerlamut angalanermut taaneqartunut aningaasartuutit naalagaaffiup akilissavai.

Imm. 6. Imarsiortoq nunami allami napparsimalersinnaanermut sillimmasiinermi napparsimalersinnaaneq pillugu peqatigiiffimmit, namminerisamik sillimmasiisarfimmit imaluunniit isumaginninnikkut toqqissisimanissamut aqqissuussinermi sillimmaserneqarsimappat, imm. 4 malillugu umiarsuaatilik imaluunniit naalagaaffik imm. 2 aamma 3 malillugit aningaasartuutininik akiliissanngillat.

§ 31. Imarsiortup napparsimasup imaluunniit ajoqusersimasup nunani allani soraarneranut atatillugu angerlarnissamut imaluunniit paarsarineqarnissamut imaluunniit isumaginnermi inatsiseqartitsineq malillugu malittarisassat malillugit allatut ikiorneqarnissamut aningaasartuutit, qallunaat imaluunniit kalaallit inatsisaat malillugit umiarsuaatillip akiligassarinnngisai, aamma qallunaat konsuuliat ikiortigalugu pinngitsoortinneqarsinnaasimannngitsut, umiarsuup naalagaata akilertariaqagai pillugit naalagaaffimmit taarsiivigineqarnissamik piunasaqaateqartoqarsinnaavoq.

8. Toquneq ilisaanerlu

§ 32. Imarsiortoq toquppat, umiarsuup naalagaata imarsiortup ilaquttatut qaniginerpaasai nalunaarfigissavai aamma ilisaanissaa imaluunniit timaata ikualanneqarnissaa isumagissallugu. Nunami allani toqusoqarpat, aammattaaq qallunaat konsuuleqarfiat qaninnerpaaq nalunaaruteqarfigineqassaaq. Timi ikualanneqarpat, umiarsuup naalagaata arsat angerlamut nassiunneqarnissaa isumagissavaa.

Imm. 2. Toqusup umiarsuarmi qimassimasai pillugit umiarsuup naalagaata piaarnerpaamik nalunaarsuut suliarissavaa. Nalunaartuutip eqqortuunera inunnit 2-nnit uppersarnerqassaaq. Nalunaarsuut aamma pigisat qimatat umiarsuup naalagaata toqusup qaniginerpaallugu ilaqutaanut nassiutissavai.

§ 33. Akissarsiat kapitalimi matumani malittarisassat malillugit siusinnerusukkut unitsinneqarsimanngippata, imarsiortoq toquppat, akissarsiat ullup toquffiup tungaanut ingerlassapput.

Imm. 2. Umiarsuup ajunaarnerata qaqugukkut pisimanera paasissutissiissutigineqarsinnaatinnagu tammaaneqarpat, ukiup taamaalinerata assingani sumiiffimmit umiarsuaq pillugu kingullermik tusarfimmit, aamma apuuffissap tungaanut, umiarsuarmut ajunaartumut piffissatut nalinginnaasumik atorineqartartutut akissarsiat ingerlatiinnarneqassapput.

Imm. 3. Kiffartuussinerup nalaani imarsiortoq toquppat, aappaasoq qimagaasoq imaluunniit meera 18-it inorlugit ukiullit, imarsiortup pilersuisussaataaffigisai, qaammammut 1-mut akissarsianik pinissamik pisinnaatitaaffeqarput. Taama tulleriillutik, ukiuni 2-nni imaluunniit 3-ni, imarsiortoq toqunermini kipsisutsumik umiarsuaatilimmit atorfinitsinneqarsimappat, taamaattoq taama tulleriillutik, qaammatini 2-nni imaluunniit 3-ni akissarsiat akilernerqassapput. Imarsiortoq § 29, imm. 2 malillugu akissarsitinneqarnissamik pisinnaatitaappat, imarsiortorlu toquppat, tamanna aamma atuuppoq. Taamaattoqarpat akissarsiat akilersimasani imaluunniit aalajangersagaq taaneqartoq malillugu akiligassani, taamaattoq umiarsuaatillip ilanngaatisinnaavai.

§ 34. Imarsiortoq sulisinneqarnermi nalaani toquppat, imaluunniit § 30, imm. 2 malillugu suli paarsarineqarnissaminik pisinnaatitaaffeqartillugu, imarsiortup ilisaaneranut imaluunniit timaata ikuallanneqarneranut kiisalu arsaasa ilineqarnissaanut angerlamut nassiunneqarneranut aningaasartuutit, umiarsuaatillip akilissavai.

Imm. 2. Imarsiortoq § 30, imm. 5 malillugu suli paarsarineqarnissaminik pisinnaatitaaffeqarluni toquppat, aningaasartuutit imm. 1-imi taaneqartut naalagaaffiup akilissavai.

Imm. 3. Imarsiortup toquneranut atatillugu aningaasartuutit pineqartillugit, imarsiortup napparsimasup imaluunniit ajoqusersimasup paarsarineqarnerani, umiarsuaatillip imaluunniit naalagaaffiup aningaasartuutit ilaannik akiliinnginnissaat pillugu § 30, imm. 6, aamma § 31 taamatuttaaq atuupput.

9. Umiarsuaateqarfimmi atorfinitsinneqarneq pillugu malittarisassat immikkut ittut

§ 35. Imarsiortup kiffartuussinera umiarsuaateqarfimmut atassuteqassasoq isumaqatigiissutigineqarsimappat, taamaalilluni naak umiarsuarmi ataatsimi sulinera taamaatikkuartoq, imarsiortup umiarsuaateqarfimmi atorfinitsinneqarnera ingerlaannassaaq, aamma imarsiortup umiarsuaateqarfiup umiarsuaataani ataatsimi piffissami

Missingiut

sulisinnaajunnaarfiani imaluunniit toqunissaa tikillugu, akissarsiaqarnani sulinngikkallarneq pillugu § 18 e aamma akiassarsiat pillugit § 18, d, imm. 2-mi aalajangersakkat, §§ 29 aamma 33 imm. 3 atuutissapput. Nappaat, timikkut ajoquserneq imaluunniit toquneq imarsiortup umiarsuaatillip naalakkiutaanik nunagisaata avataani pisimanera piumasaqaatigalugu, §§ 30 aamma 34 atuupput.

Imm. 2. Taamaattoq nappaatip nappaatigineqalernerata imaluunniit ajoqusernerup kingorna nunagisap avataani paarsarineqarnissamik pisinnaatitaaffimmi taamaallaat sapaatit akunneri 16 tikillugit ilaatinneqarput. Pisuni, taakkunani nappaat naartunerup- aamma/imaluunniit erninerup nalaani sulinngikkallarnermi nappaatigineqalerluni, § 29 atuutissanngilaq.

10. Aqumiut kiffartuussinissaq pillugu isumaqatigiissutaat pillugit

malittarisassat immikkut ittut

§ 36. Aqumiut kiffartuussinissaq pillugu isumaqatigiissutaannut aalajangersakkat, §§ 37-imiit 45 ilanngullugu malittarisassanit malitsigitinneqartut, allannguutit ilassutillu ilanngullugit, aalajangersakkat tulluittut atuupput.

Imm. 2. Aqumiutut paasineqassapput pilittat, maskinmesterit, radiotelegrafistit aamma aquttut. Inunnut allanut umiarsuarmi kiffartuussinissamut umiarsuaatilimmit atorfilittut atorfinitsinneqarsimasunut, assigisaannik aqutsisutut atorfeqartunut, imm. 1 aamma § 37-imiit 45 ilanngullugu malittarisassat aamma atuupput.

§ 37. Isumaqatigiissummi allamik malitseqartitsisoqanngippat, akuusut tamarmik kiffartuussinissaq pillugu isumaqatigiissut qaammatinik 3-nik sioqqutsilluni ilimasaarinikkut atorunnaarsissinnaavaat, taamaattoq inatsimmi matumani § 19 a aamma naligiissitaaneq assigiinngisitsinnginnissarlut pillugit inatsisartut inatsisaanni § 17 takukkit. Piffissamut killilimmut kiffartuussinissamik isumaqatigiissutit, kiffartuussinerup aallartinneranit qaammatini 6-nni siullerni akuusunit qaammammik 1-mik sioqqutsilluni ilimasaarinikkut atorunnaarsinneqarsinnaapput. Piffissami killilimmi kiffartuussinissamik isumaqatigiissutit utaqqiisaaginnarallartumik isumaqatigiissutitut pissuseqartut, isumaqatigiissummi allamik malitseqartitsisoqanngippat taamaattoq qaammammik siullermi ullunik 7-nnik sioqqutsilluni ilimasaarinikkut atorunnaarsinneqarsinnaapput.

Imm. 2. Ukiumi atorfeqarfiusumi siullermi, umiarsuaatilimmut sioqqutsilluni ilimasaarineq qaammammit 1-mit sivikinnerusoq isumaqatigiissutigineqarsinnaanngilaq aamma tamatuma kingornatigut qaammatit 3-pput. Kiffartuussinissaq pillugu utaqqiisaagallartumik pissusilimmik isumaqatigiissusiortoqarsimanera aamma kiffartuussinissamik isumaqatigiissut qaammat 1 sinnerlugu siviutiginngitsoq, umiarsuaatillip qularnarunnaarsissinnaappagu, tamanna taamaattoq atuutinngilaq.

§ 38. Aqumiu napparsimaneq imaluunniit timikkut ajoquserneq pissutigalugu sivisuumik suliaminik suliaqarsinnaanngippat, imaluunniit nappaammik, umiarsuarmiittunut allanut

navianartorsiortitsinermik kinguneqartumik, nappaateqarpat, soraarfissaq aalajangersimasooq kiffartuussinissamik isumaqatigiisummi allassimasooq apeqqutaatinnagu, aqumiup soraarsinneqarsinnaavoq.

§ 39. Aqumiup § 7 malillugu kiffartuussinermi soraarsinnaanermik pisinnaatitaaffia, kiffartuussinermi soraarnissaminik qaammatit 3 sioqqullugit ilimasaarisimanissaa imaluunniit sivikinnerusumik sioqqutsilluni ilimasaarinissaa isumaqatigiisutigineqarsimappat, taanna atorlugu ilimasaarisimanissaa piumasaqaataavoq.

§ 40. Aqumiup sulisinnaannginnerata nalaani kiffartuussinissaa pillugu isumaqatigiisut atorunnaarsinneqarsimappat, imaluunniit tamatuma kingorna atorunnaarsinneqarpat, napparsimanermi akissarsiaqartinneqarnissaa pillugu pisinnaatitaaffik pillugu § 35 malillugu, § 29, imm. 2 aamma 3 taamatuttaaq atuutissapput, taamaattoq § 44 takuuk.

§ 41. § 40 malillugu, aqumiup kiffartuussinissamik isumaqatigiisutaata umiarsuaateqarfimmut atannginnera apeqqutaatinnagu § 35 atuutissaaq, taamaalilluni aqumiup umiarsuaatilimmi atorfeqarnera, naak umiarsuarmi ataatsimi sulineq naareeraluartoq, ingerlaqqissaq.

§ 42. Umiarsuaateqarfimmi pineqartumi aqumiup ukiuni 12-ni imaluunniit 17-ini kipsisutsumik atorfeqartinneqarsimasooq soraarsinneqarpat, aqumiup soraarnerani umiarsuaatillip aningaasat, taama tulleriillutik, qaammammut 1-mut qaammatinullu 3-sut akissarsiaritinneqartut akilissavai.

Imm. 2. Aqumiup tunngavissaqanngitsumik soraarsitaappat, imm. 1 aamma atuuppoq.

§ 43. Aqumiup umiarsuaateqarfimmi pineqartumi soraarsinneqarneq sioqqullugu minnerpaamik ukiumi 1-mi kipsisutsumik sulisimasup, soraarsinneqarnera aqumiup imaluunniit umiarsuaateqarfimmi pissutsinit naleqquttumik tunngavissaqartinneqanngippat, umiarsuaatilik taarsiissutinik akiliissaaq. Taanna aqumiup piffissaq suliffigisimasaa aamma suliami pissutsit assigiinngitsut allat eqqarsaatigalugit aalajangerneqassaaq, kisianni qaammatini 3-ni akissarsiat qaangissanngilai.

Imm. 2. Aqumiup soraarsitaanermi umiarsuaateqarfimmi pineqartumi minnerpaamik ukiumi 10-ni kipsisutsumik sulisimappat, taarsiissut, imm. 1-imi taaneqartoq tassaasinnaavoq, qaammatit 4 tikillugit akissarsiat. Umiarsuaateqarfimmi kipsisutsumik ukiumi 15-ini sulisimanerup kingorna taarsiissutit tassaasinnaapput qaammatit 6 tikillugit akissarsiat.

Imm. 3. Aqumiup tunngavissaqanngitsumik soraarsitaappat, imm. 1 aamma 2 aamma atuupput.

§ 44. Aqumiup napparsimaneq imaluunniit timikkut ajutoorneq pissutigalugu suliaminik suliaqarsinnaajunnaarpat, aqumiup atorfinitsinneqarnermini peqquserlulluni napparsimanini imaluunniit timikkut ajoqusersimanini nipangiutiinnarsimanngippagu, imaluunniit

atorfinitsinneqarnermi kingorna piaaraluni imaluunniit ingasattumik mianersuaalliorluni napparsimalersimanngikkuni imaluunniit timiminik ajoqusersimanngikkuni, tamanna akuerisaasumik sulinnginnertut isigineqassaaq.

§ 45. § 17-imi pissutsit taaneqartut tunngaviginagit aqumiu soraarsinneqarpat, Kalaallit Nunaanni taarsiivigineqarnissaa pillugu malittarisassat aningaasanik annertunerusunik periarfissaliissuteqanngippata, sulisinneqarnerup atorunnaarsinneqarnerata kingorna aqumiu qaammatini 3 akissarsiaqartinneqarnissamik pisinnaatitaaffeqarpoq. Aammattaaq akeqanngitsumik angalasinnaaneq aamma soraarnissaaq pillugu ilimasaarinissamut piffissaliussaaq sioqqullugu soraarneq pillugu § 18 atuutissaaq.

11. Umiarsuup naalagaata kiffartuussinissaaq pillugu isumaqatigiissutaa

§ 46. Atorfinitsinneqarnermi atugassarititaasut pillugit umiarsuup naalagaanut allakkatigut isumaqatigiissusiortoqarnissaa umiarsuaatillip isumagissavaa. § 3, imm. 1-imi aalajangersagaq taamatuttaaq atuutissaaq.

§ 47. Umiarsuup naalagaa umiarsuaatillip qaqugukkulluunniit soraarsissinnaavaa, taamaattoq inatsimmi matumani § 19 aamma naliigiissitaaneq assigiinngisitsinnginnissarlugu pillugit inatsisartut inatsisaanni § 17 takukkit.

Imm. 2. Umiarsuup naalagaa suliaminut pikkorissuunnginninni, peqqusersuitsunnginninni, ilumoortuunnginninni kinaassusersiortuuninilu imaluunniit ingasattumik imaluunniit sulisinneqarnermini akuttunngitsumik uteqqiattunik kukkussuteqartarneq imaluunniit sumiginnaasarnini pissutigalugit soraarsinneqarpat, sulisimanini sinnerlugit akissarsiassanik pisinnaatitaanngilaq.

Imm. 3. Aammattaaq soraarsitsinermi kiffartuussinerup naanissaa pillugu §§ 37-imiit 38 ilanngullugu aamma akissarsiaqartinneqarnissamik pisinnaatitaaffik il.il. pillugit §§ 40-imiit 45 ilanngullugu malittarisassat atuupput.

§ 48. Imaani ajunaarnikkut umiarsuaq annaaneqarpat, imaluunniit imaani ajunaarnerup kingorna iluarsaanneqarsinnaanngitsutut umiarsuaq isigineqarpat, isumaqatigiissut allatut malitseqanngippat, umiarsuup naalagaata sulisinneqarnera atorunnaarsinneqassaaq. Taamaattoq akissarsitinneqarluni nerisaqartinneqarluni sumiiffimmiiginnassaaq aamma umiarsuarmut tunngasut, umiarsuarmiittut imaluunniit usit pillugit suliassat aaqqissuunneqarnerat isumagissallugu.

Imm. 2. § 19, imm. 2 aamma 3, taamatuttaaq atuupput.

§ 49. Umiarsuup naalagaanut aalajangersakkat tulluuttut taamatuttaaq atuupput:

- 1) § 1, imm. 3,
- 2) § 3, imm. 3 aamma 4,
- 3) §§ 3 a-miit 3 e ilanngullugu,

- 4) § 4, imm. 2,
- 5) § 6,
- 6) § 39 malillugu §7, imm. 1,
- 7) § 7, imm. 2-mi oqaaseqatigiit pingajuat,
- 8) § 8,
- 9) §§ 8 a-miit 8 e ilanngullugu,
- 10) § 10, imm. 3,
- 11) § 10 a, imm. 1 aamma 2,
- 12) imm. 3 malillugu § 14, imm. 1,
- 13) § 15,
- 14) § 18 a, imm. 1, aamma § 18 b,
- 15) § 18 c,
- 16) § 18 d,
- 17) § 18 e,
- 18) § 19 a, imm. 2,
- 19) §§ 21, 22 aamma 24-imiit 26 ilanngullugu,
- 20) §§ 35, 40 aamma 41 malillugit §§ 27-imiit 30 ilanngullugu,
- 21) § 31
- 22) §§ 32 aamma 34,
- 23) §§ 35 aamma 41 malillugit § 33,
- 24) § 55, imm. 1 aamma 2,
- 25) § 57,
- 26) § 61,
- 27) § 64,
- 28) § 73 a aamma
- 29) § 73 c.

§ 50. Umiarsuup naalagaata umiarsuup usiiniq agguagarsinissaa (kaplak) imaluunniit angalanermit allanik akissarsiaqartinneqarnissaa, matumani umiarsuup atorneqarani uninngaannarnerani akissarsitinneqarnissaa, imaluunniit umiarsuaatillip iluanaarutaanik agguagarsinissaa (tantième), isumaqatigiissutaasimappat, angalaneq naatinnagu imaluunniit ukiup naatsorsuiffiusup naanerani sulineq atorunnaarsinneqarpat, umiarsuaatillip akilersuutip isumaqatigiissutigineqarsimasumut naleqqiullugu akilersuutip ilaa akilissavaa.

Imm. 2. Sulisimanerminit sivilunerusumik umiarsuup naalagaa akissarsitinneqarnissaminik pisinnaatitaappat, imm. 1-imi akilersuutit taaneqartut, sulisinneqarnerup unitsinneqarnerani piffissamut, aningaasat amerlassusaannik, taakku aquttut qullersaata akissarsiaata marloriaataasa umiarsuup naalagaata aalajangersimasumik akissarsiaanik qaangiissutaannik, akilerneqassapput.

Kapitali 3

*Umiarsuarmi kiffartuussineq**1. Umiarsuarmi kiffartuussinerup aqunneqarnera*

§ 51. Umiarsuup naalagaa umiarsumi oqartussaasut qullersaraat.

§ 52. Suliassat agguataarneqarneranni ataasiakkat umiarsuarmi atorfi aamma sapinngisamik atorfillip sulianut tunngasumik pikkorissartortinneqarnissaa eqqarsaatigineqassapput.

2. Kiffartuussinermi pisussaaffiit nalinginnaasut

§ 53. Kiffartuussinermi naalakkiutit tigusani, imarsiortup naammassissavai, aamma erseqqissumik akinermigut taakku paasisimallugit nalunaarutigissallugit. Umiarsuarmi torersuutitsinissamut naalakkiutit tunniunneqartut imarsiortup aammattaaq malissavai.

Imm. 2. Piffissaq eqqorlugu imarsiortoq umiarsuarmut ikinissaminut akornuserneqaruni, umiarsuup naalagaa erngerluni nalunaarfigissavaa.

Imm. 3. Sulisinneqarnermini kukkunermigut imaluunniit sumiginnaanermigut ajoqusiinini umiartortup taarsissavai.

3. Ajutoornissamut aamma peqqissutsimut navianartorsiortinneqarnissamut illersuutit

§ 54. (Atorunnaarsinneqarpoq)

4. Nerisassat aamma peqqissuseq pillugu pissutsit

§ 55. Inuttat pitsaasunik naammattunillu nerisaqartinneqarnissaat umiarsuup naalagaata isumagissavaa. Piffissami inuttaanerup nalaani umiarsuarmi nerisassat imarsiortumut akeqassanngillat. Oqaaseqatigiit siulliit aamma aappaat pillugit erhvervsministeri malittarisassanik aalajangersaasinnaavoq.

Imm. 2. Angalanerup nalaani umiarsuup naalagaata nerisassat ikilineqarnissaat pisariaqartutut isigippagu, taarsiivigineqarnissaq inuttat piumasaqaatigissavaat.

Imm. 3. Inuttat nerisaqartinneqarnissaat umiarsuup naalagaata nammineq aningaasaatiminit akilissanngilaa.

Imm. 4. Umiarsuarmi peqqissuseq pillugu pissutsit eqqiaatsuunerlu umiarsuup naalagaata nakkutigissavaa. Tamanna pillugu erhvervsministeri malittarisassanik.

5. Imarsiutissaqqissuseq pillugu misissuineq

§ 56. Anganissamut pisussamut inuttat affai sinnerlugit umiarsuup imarsiutissaqqissusaa naammagittaalliutigippassuk, umiarsuit nakkutigineqartarnerat pillugu inatsimmi malittarisassat malillugit umiarsuup naalagaata nakkutilliinermik misissuineq suliaritissavaa.

Missingiut

Umiarsualivimmi allanartami, tassani malittarisassat taakku malillugit nakkutilliinermik misissuineq ingerlanneqarsinnaanngippat, misissuisussat paasisimasallit nalunaarutigineqarnissat pillugu sumiiffimmi oqartussaasumut pineqartumut umiarsuup naalagaa saaffiginnissaaq.

Imm. 2. Umiarsuup ilaa, umiarsuup pisatai imaluunniit atortussalersorneqarnera, taassuma nakkutilliiffisaa pillugu, maskinchefi imaluunniit aquttut qullersaat naammagittaalliutit assigisaannik naammagittaalliuuteqarpat, tamanna aamma atuuppoq.

Imm. 3. Misissuinermi, naammagittaalliut pissutissamik naleqquttumik amigaateqartoq takutinneqarpat, annaasaq § 53, imm. 3 malillugu taarserneqassaaq.

Imm. 4. Imm. 1 aamma 2 malillugu misissuineq nunami allami ingerlanneqarpat, suliarlu tassunga saqqummiunneqarsimappat, sumiiffimmi qallunaat konsuuliat, aamma taamaanngippat umiarsuup naalagaata Søfartsstyrelsimut nalunaarusiamik erngerluni nassiussissaaq.

6. Piffissaq qasuersaarfissaq il.il.

§ 57. Imarsiortoq akuttoqatigiissumik, kipsisuitsunik piffissami killilimmi qasuersaartinneqassaaq, qasuersaartinneqarnerlu peqqissuunissap isumannaatsuunissallu qulakkeerneqarnissaanut naammattumik sivisussuseqassaaq. Imarsiortut piffissaq qasuersaarfissat suliffissaallu pillugit erhvervsministeri malittarisassanik aalajangersaassaaq. Piffissat suliffissat pillugit aalajangersakkat umiarsuarnut niuffagiutinut atuutinngillat.

7. Imarsiortup sulinngiffimmini nunaliarsinnaanermut pisinnaatitaaffia

§ 58. Umiarsuup, umiarsuarmiittut allat imaluunniit usit isumannaatsuunissat, umiarsuarmi pisariaqartinneqartumik suliasat suliarineqarnissat imaluunniit umiarsuup aallarnissaa pisussaq imaluunniit umiarsuup allunaasat atorlugit nusunneqarnissaa eqqarsaatigalugit imarsiortup umiarsuarmiinnissaa pisariaqartinneqanngippat, imarsiortoq sulinngiffimmi umiarsuup umiarsualivimmiinnerani imaluunniit isumannanngitsumik kisartarfimmiinnerani nunaliarnissaminut pisinnaatitaavoq.

Imm. 2. Aningaasartuutit pissutsillu allat eqqarsaatigalugit tamanna naleqquttuuppat, inuttanut aningaasartuutaanngitsumik nunamut umiatsiamik atassuteqartitsinissaq umiarsuup naalagaata isumagissavaa.

8. Imarsiortup pigisai il.il.

§ 59. Umiarsuarmut imaluunniit usinut akornusiisinnaanngippata imaluunniit umiarsuarmi tukatsitsinissamut navianartorsiortitsinngippata, imarsiortoq pigisanik inuttut atugassanik naleqquttumik annertussusilinnik nassarsinnaavoq. Umiarsuup naalagaa akuersissuteqarteqqaartinnagu nioqqutissianik tuniniagassanik nammineq allaluunniit akiligaanik imarsiortoq nassataqarsinnaanngilaq.

Missingiut

Imm. 2. Inatsisit unioqqutillugit pigisat nassarneqartut angallanneqarneri umiartortup akilissavai. Pigisat ajoqusiippata, § 53, imm. 3 atuutissaaq.

Imm. 3. Ikiaroonartut imaluunniit toqunartut navianartut allat umiarsualiaannissaat inerteqqutaavoq. Umiarsuup naalagaa akuersiteqqaarngu sakkut imaluunniit imassat umiarsuarmut nassaqqusaanngillat.

Imm. 4. Inatsisit unioqqutillugit arlaanik umiarsualiaaassisoqarsimasooq pissutissalimmik umiarsuup naalagaata pasitsaakkuniuk, umiarsuup naalagaata imarsiortup inaa misissortissinnaavaa. Misissuineri imarsiortoq najuussinnaatitaavoq.

Imm. 5. Inatsisit unioqqutigit suugaluartulluunniit nassarneqarsimasut, umiarsuup naalagaata tigummigallarsinnaavai, nunaliaatitissinnaavai imaluunniit tamanna pisariaqartillugu piuneerutitissinnaallugit.

§ 60. Kiffartuussinerup naanerani soraarnermi imarsiortoq pigisaminik qimatsippat, taakku imarsiortup akiligaanik umiarsuarmi toqqorneqassapput. Pigisat qimanneqartut pillugit nalunaarsuummik umiarsuup naalagaa piaarnerpaamik suliaqassaaq. Nalunaarsuutip eqqortuunera inunnit marlunnit uppersarsarneqassaaq.

Imm. 2. Pigisap qanoq issusaa, taakkununga aningaasartuutigineqartut imaluunniit pissutsit allat pissutigalugit toqqorsineq naleqqutinngippat, illersorneqarsinnaasumik taakku tuniniarneqarsinnaapput. Pigisani tunniuteqqullugit umiarsuaatilimmut imarsiortoq ukiup 1-p iluani saaffiginnissimanngippat, tamanna aamma atuuppoq.

§ 61. Umiarnikkut, immami ujajaanikkut, ikuallannikkut imaluunniit allatut umiarsuup aseruaneratigut imarsiortup pigisai umiarsuarmiittut annaasimagunigit imaluunniit ajoquserneqarsinappata, umiarsuaatilik taarsiissutinik akiliissaaq. Tamanna pillugu erhvervsministeri malittarisassanik erseqqinnerusunik aalajangersaassaaq. § 19, imm. 2 malillugu atisat umiartortup tigusimasai ilanngaatigineqarsinnaapput.

9. Umiarsuarmi torersuutitsinissaq

§ 62. Umiarsuarmi torersuutitsinerup attanneqarnissaanut pisariaqartinneqartumik iliuutsit, umiarsuup naalagaata suliarisinnaavai.

Imm. 2. Umiarsuaq navianartorsiorpat, inuttat akornanni pikitsitsineqalerpat, imaluunniit allatut navianartorsiorneq pippat, torersuutitsinissap pilersinneqarnissaanut atortut pisariaqartinneqartut illersorneqarsinnaasullu umiarsuup naalagaata atorsinnaavai. Innuttat tamarmik ikiutissapput, aamma kajumissaarneqaratik ikiutissallutik.

Imm. 3. Umiarsuarmi torersuutitsinissap attanneqarnissaanut peqataajumanngitsoq ajoquserneqarpat, pissutsit piumasaqaatigisaanni atortut sakkortunerusut atorneqarpat, taassuma akisussaassuseqarneq atuutitissinnaavaa.

§ 63. Umiarsuarmi pinerluutit ingasannerusut pinerluutigineqarpat, aamma umiarsuaq kalaallit umiarsualivianiinngippat, piaarnerpaamik utaqqiisaagallartumik nassuiaaneq,

Missingiut

umiarsuup ullorsiutaani allanneqartoq umiarsuup naalagaata suliarissavaa. Taamaattoq pinerluttuliorneq nunap ilaani allanartami pinerluttuliorneq pinerluttuliarineqarsimappat aamma sumiiffimmi oqartussaasunit malersorneqarpat, tamanna atuutinngilaq.

Imm. 2. Qallunaat konsuuliata imaluunniit Kalaallit Nunaanni Politiit suliamik isumaginnilernissaasa tungaanut, pasisaasup qimaannginnissaa sapinngisamik umiarsuup naalagaata isumagissavaa. Tamanna siunertaralugu atortut pisariaqartinneqartut umiarsuup naalagaata atorsinnaavai, kisianni siunertamut piumasarineqartunit atortut sukannernerusut atorsinnaanngilai.

Imm. 3. Naalagaaffiup, pasineqartumik tunniussiffiginiakkami, piaarnerpaamik aamma ajornanngippat imartaanut pulammannissani sioqqullugu, inuup taamaattup tunniunneqarnissaanik siunertaqarnini, aamma tassunga pissutaasut pillugit, naalagaaffiup pineqartup oqartussaasui umiarsuup naalagaata nalunaarfigissavai.

Imm. 4. Pequtit, uppersaatit pingaaruteqartussatut isumaqarfigineqartut, umiarsuup naalagaanit tigummigallarneqassapput. Inatsisinik unioqqutitsineq pillugu paasissutissat pisariaqartinneqartut aamma uppersaatit tigummigallarneqartut, umiarsuup naalagaata oqartussaasunut, pasineqartumik tunniussiffiusunut, tunniutissavai.

Kapitali 4

Kiffartuussinermi pissutsit pillugit isumaqatigiinngitsutit aamma umiarsuarmi naammagittaalliuteqarnerit suliarineqartarnerat

§ 64. Akissarsianik naatsorsuusiorneq, umiarsuarmi kiffartuussineq, atorfinitsitaanermi atugassarititaasut, matumani akissarsiat aamma atorfinitsinneqarnermi isumaqatigiissut ilanngullugit, imaluunniit umiarsuarmi pissutsit pillugit imarsiortoq umiarsuaatilimmut naammagittaalliornissaminik pisinnaatitaavoq. Naammagittaalliutit naammattumik misissorneqarnissaat isumagissallugit umiarsuaatillip pisussaaffigaa, aamma naammagittaalliutit naapertuilluartumik, sunniuteqarluartumik aamma sukkasuumik suliarineqartarnissaannut ingerlatseriaatsit suliarineqarnissaat naammassineqarnissaallu pisussaaffigaluguttaaq. Naammagittaalliutit il.il. pillugit erhvervsministeri malittarisassanik erseqqinnerusunik aalajangersaasinnaavoq.

Imm. 2. Akissarsianik naatsorsuusiorneq, umiarsuarmi kiffartuussineq, atorfinitsitaanermi atugassarititaasut imaluunniit umiarsuarmi pissutsit pillugit isumaqatigiinngissutit, eqqartuussivimmut takornartamut saqqummiunneqarsinnaangillat. Imarsiortoq pillugu suliaq Nunatsinni Eqqartuussivimmut saqqummiunneqarsinnaavoq.

Imm. 3. Inatsit manna malillugu malittarissani atulersinneqarsimasuni alla malitsigitinneqarpat, imm. 2 atuutinngilaq.

Kapitali 4 aⁱ

Inuttanngorneq- aamma inuttaajunnaarneq

Missingiut

§ 64 a. (Kalaallit Nunaannut atuutsinneqalinngilaq).

§ 64 b. (Kalaallit Nunaannut atuutsinneqalinngilaq).

Imm. 2. Umiartortut atuagaataasa atulersinneqartarnerat atorneqartarnerallu pillugit, erhvervsministeri malittarisassanik aalajangersaassaaq.

Imm. 3. Umiartortup atuagaataa inuttanngornermi umiarsuup naalagaanut tunniunneqassaaq aamma sullissinerup sivisussusaa naallugu taassuminnga toqqortarineqassalluni. Umiartortut atuagaanni imarsiortup kiffartuussineranut pissutsit tunngassuteqartut imaluunniit pillaatissinneqarsimanera pillugu oqaaseqaateqartoqassanngilaq.

Kapitali 5

Pillaatissiisarneq pillugu aalajangersakkat

§ 65. § 55 imaluunniit § 73 a malillugit umiarsuaatillip pisussaaffini qaangiinnarpagit imaluunniit § 1 a malillugu, § 27, § 49, nr. 24 imaluunniit 28, § 55, 74 b, imm. 1 imaluunniit 3, imaluunniit § 74 c, imm. 2 pineqartillugit, § 12, imm. 2-p aamma 3-p, § 18 a, imm. 1-imiit 4 ilanngullugu aalajangersakkat, § 18 b, imm. 4 aamma 5, § 27-p, § 49, nr. 14-ip eqqortinneqarnissaannik qulakkeerinninnissamik pisussaaffimminik qaangiinnaappat, pineqartoq Kalaallit Nunaanni eqqartuussisarnermi inatsit malillugu pineqaatissinneqassaaq. Umiarsuaatillip § 4, imm. 1 aamma 2, § 8 a, imm. 2, § 8 c, imm. 1 aamma 2, § 8 e, § 46, § 49, nr. 4 imaluunniit 25 imaluunniit § 57 malillugit pisussaaffini qaangiinnarpagit, inatsisiliorneq alla malillugu pineqaatissiinerit annertunerusumik akuliunnerusutut naleqqunnerunngippata, pineqartoq akiliisitsissummik akiliisinneqassaaq.

Imm. 2. Inuk, § 1 a malillugu § 12, imm. 2-mi aamma 3-mi, § 18 a, imm. 1-miit 4 ilanngullugu malittarisassani, § 18 b, imm. 4-mi aamma 5-imi, § 27-imi, § 55-imi, § 74 b, imm. 1-imi imaluunniit 3-mi, imaluunniit § 74 c, imm. 2-mi, pisussaaffimminik allakkut qaangiinnaasoq, Kalaallit Nunaanni pinerluttulerinermi inatsit malillugu pineqaatissinneqassaaq, massa inuk, § 1a malillugu § 4, imm. 1-p aamma 2-p, § 8 a, imm. 2-p, § 8 c, imm. 1-p aamma 2-p, § 8 e-p, § 32-p, § 56, imm. 1-p, 2-p aamma 4-p, § 57-ip, § 60-ip, § 74-ip eqqortinneqarnissaannut imaluunniit § 73 malillugu malittarisassanik aalajangersakkanik eqqortitsinissamut pisussaaffimminik allakkut sumiginnaasoq, inatsisiliorneq alla malillugu pineqaatissiinerit annertunerusumik akuliunnerusutut naleqqunnerunngippata, akiliisitsissummik akiliisinneqassasoq. Inuk, umiarsuarmi naalakkaq, pisussaaffinnik pisussaaffigisaminik naammassinninnissamut periarfissinneqarnissaannik qulakkeerinninnissamut, § 1 a malillugu pisussaaffimminik naammassinninngitsoq, taamatuttaaq pillatissinneqassaaq.

Imm. 3. Inuk, akuersissummik atuuttumik peqarani imarsiortunut inuttanngortitsinissamut imaluunniit akunniliulluni sulissussisut namminersorluni suliaqartoq, imaluunniit sullissinernut taamaattunut imarsiortunit akilerneqarnissaminik piunasaqartoq, inatsisiliorneq alla malillugu pineqaatissiinerit annertunerusumik akuliunnerusutut naleqqunnerunngippata, akiliisitsissummik akiliisinneqarsinnaavoq.

Imm. 4. Ingerlatseqatigiiffiit il.il. (inatsisitigut pisinnaatitaasut pisussaataitaasullu) Kalaallit Nunaanni pinerluttulerinermi inatsimmi kapitali 5-imi malittarisassat malillugit pinerluttulerineq pillugu inatsiseqartitsinermi akisussaaffimmik tiguseqqullugit naalakkerneqarsinnaapput. Unioqqutitsineq naalagaaffimmit, Kalaallit Nunaanni Namminersorlutik Oqartussanit, kommunimit imaluunniit nunaqarfinni aqutsisunit unioqqutitsineruppat, pisortani oqartussaasoq pineqartoq akiliisitsissummik akiliinissamut taamaattumut akisussaaffimmik tiguseqqullugu naalakkerneqarsinnaavoq.

Imm. 5. Imm. 4 malillugu pillaatissinneqarnissamut akisussaaffimmut tunngatillugu, inuit, umiarsuaatilimmiunngitsoq allanilli umiarsuarmi sulisussatut atorfinitsinneqartut, aammattaaq umiarsuaatilimmut atassuteqartutut isigineqarput. Isumannaatsumik umiarsuarnik ingerlatsineq pillugu najoqqutassat imaluunniit imarsiortut suliffiini pissutsit pillugit isumaqatigiissut malillugu allagartaq akuersissut suliniaqatigiiffimmut allamut imaluunniit inummut naapertuuttoqarnera pillugu takussutissiamik atulersitsisoqarpat, umiarsuup naalagaa aamma imarsiortut aammattaaq takussutissiap atulersiffianut inummut atassuteqartutut isigineqarput.

§ 66. Inatsisiliorneq alla malillugu pineqaatissiinerit annertunerusumik akuliunnerusutut naleqqunnerunngippata, umiarsuup naalagaa, imaluunniit taassuminnga sinniisoq,

- 1) tulluittunik iliuuseqarsimaguni Kalaallit Nunaanni pinerluttulerinermi inatsit malillugu pineqaatissinneqassaaq
 - a) piaaraluni imaluunniit mianersuaalliorujussuarluni §§ 62 aamma 63, imm. 2 malillugit sakkunik pissaanermik atuinermi atorneqartartunik ingasannerusunik atuiguni, imaluunniit
 - b) § 12, imm. 2 aamma 3, § 18 a, imm. 1-imiit 4 ilanngullugu malittarisassat, § 18 b, imm. 4 aamma 5, §§ 27 aamma 55 malillugit pisussaaffimminik qaangiinnaaguni,
- 2) akiliisitsissut, taanna
 - a) §§ 4-imut imaluunniit 57-imut akerliusumik sulinissamut inummik atuippat, imaluunniit
 - b) § 8 a, imm. 2, § 8 c, imm. 1 aamma 2, § 8 e, § 32, § 56, imm. 1, 2 aamma 4, § 60, § 63, imm. 3 aamma 4, § 74 malillugit imaluunniit § 73 malillugu malittarisassat malillugit pisussaaffimminik qaangiinaappat.

§ 67. Inatsisiliorneq alla malillugu pineqaatissiinerit annertunerusumik akuliunnerusutut naleqqunnerunngippata, imarsiortoq tulluittunik iliuuseqarsimaguni akiliisitsissummik akiliisinneqassaaq tulluittunik iliuuseqarsimaguni

- 1) § 53, imm. 1, aamma § 62, imm. 2-imi oqaaseqatigiit aappaat malillugit pisussaaffimminik qaangiinnaaguni,
- 2) nalunngikkaluarlugu § 56-imi taaneqartutut naammagittaalliummik saqqummiiguni imaluunniit peqataaguni aamma taamaaliortoqarnera nakkutilliinermik misissuinermik kinguneqarpat.

Imm. 2. Tamanna umiarsuup umiarsuaatilimmit imaluunniit naalagaanit noqqaassutigineqarpat, imm. 1-imik unioqqutitsineq unnerluussutigineqassaaq.

§ 68. (Atorunnaarsinneqarpoq)

§ 69. (Atorunnaarsinneqarpoq)

§ 70. Malittarisassani, inatsit malillugu atulersinneqartuni Kalaallit Nunaanni pinerluttulerinermi inatsit malillugu pineqaatissiinissat aalajangersarneqarsinnaapput.

Imm. 2. Ingerlatseqatigiiffiit il.il. (inatsisitigut pisinnaatitaasut pisussaataasullu) Kalaallit Nunaanni pinerluttulerinermi inatsimmi kapitali 5-imi malittarisassat malillugit pinerluttulerineq pillugu inatsiseqartitsinermi akisussaaffimmik tiguseqqullugit naalakkerneqarsinnaapput.

§ 71. Umiarsuup naalagaa § 66, nr. 1, litra a-mik imaluunniit b-mik unioqqutitsisimasutut pisuutinneqarpat, pissutsit sukannersisitsinerusut ataanni, umiarsuup naalagaatut, aquttutut imaluunniit maskinmesteritut kiffartuussisinnaatitaarnermik, eqqartuussiviup eqqartuussutikkut piffissamut aalajangersimasumut ukiut tallimat tikillugit imaluunniit atajuartumik piiaaffigisinnaavaa. Taamaattoqassappat unnerluussisussaataasut imarsiortutut inuussutissarsiorsinnaanermut uppersaataat aamma eqqartuussutit takussutissiarataa Ehvervsmistereqarfimmut nassiutissavaa. Inaarutaasumik eqqartuussinerup kingorna ukiut 5 ingerlareerpata, pisinnaatitaaffiaaneq taanna erhvervsmisterip utertillugu tunniussinnaavaa.

Imm. 2. Umiarsuup naalagaa, aquttoq imaluunniit maskinmesteri imm. 1 malillugu eqqartuussutikkut kiffartuussisinnaajunnaarsitaappata, taama tulleriillutik, umiarsuup naalagaata aquttutut sulisinnaanersoq, aamma aquttoq imaluunniit maskinmesteri atorfimmi appasinnerusumi sulisinnaanersoq, eqqartuussutikkut aalajangerneqassaaq. Taamaattoqarpat imarsiortutut inuussutissarsiorsinnaanermut uppersaataat pisariaqartinneqartoq Erhvervsmistereqarfiup inuttamut nalunaarutigissavaa.

Kapitali 6

Aalajangersakkat immikkut ittut

§ 71 a. Pissutsit inatsimmi matumani ilaatinneqartut imaluunniit inatsit manna malillugu atulersinneqartut pillugit, attaveqatigiinnerup digitaliusumik pinissaat pillugit Erhvervsmisteri malittarisassanik aalajangersaasinnaavoq.

Imm. 2. Digitaliusumik attaveqatigiinneq pillugu aalajangersakkat erseqqinnerusut, matumani it-systemit aalajangersimasut atorneqarnissaat, ilutsit digitaliusut immikkut ittut aamma digitaliusumik atsiorneq assigisaallu ilanngullugit, pillugit Ehvervsmisteri malittarisassanik erseqqinnerusunik aalajangersaasinnaavoq.

Imm. 3. Nalunaarummi allaffigisamut taanna tikinneqarsinnaanngorpat, digitaliusumik nalunaarut apuussimasutut isigineqassaaq.

§ 71 b. Inatsit manna malillugu imaluunniit inatsit manna malillugu malittarisassat atulersinneqartut malillugit, oqartussaasut aalajangiinermik takussutissianillu allanik,

atsiornertaqanngitsunik, maskiinanit imaluunniit periaatsit assigisaat atorlugit atsiorneq assilineqartoq atorlugu atsiukkanik imaluunniit teknikkimik atuineramik, aalajangiinermik imaluunniit takussutissiamik atulersitsisup paatsuugassaannngitsumik kinaassusersineqarnissaanik qulakkeerinnittoq, pillugit Erhvervsministeri malittarisassanik aalajangersaasinnaavoq. Aalajangiinerit takussutissiallu taamaattut aalajangiinertut aamma takussutissiatut inuttut atsiorneqarsimasutut naligiissinneqassapput.

Imm. 2. Taamaallaat elektroniskiusumik paasissutissat suliarineqarnerat tunngavigalugit aalajangiinerit aamma takussutissiat allat, oqartussaasoq pineqartoq nassiussisutut taamaallaat taallugu, atulersinneqarsinnaanerit pillugit Erhvervsministeri malittarisassanik aalajangersaasinnaavoq.

§ 72. Kiffartuussinerup aalajangersimasumik sivilutigit kingorna nerisaqartinneqarluni akeqanngitsumik angerlarluni angalaneq pillugu § 8, naartusut naalagaaffiup akiligaanik angerlarlutik angalasinnaatitaanerit pillugu § 9 aamma imarsiortup napparsimasup akeqanngitsumik angalasinnaatitaanermik pisinnaatitaaffia pillugu § 30, imarsiortunut Kalaallit Nunaanni najugaqanngitsunut atuutissasoq pillugit Erhvervsministeri malittarisassanik aalajangersaasinnaavoq.

§ 73. Napparsimasoqartillugu imaluunniit ajutoortoqartillugu paarsarineqarnissamik pisinnaatitaaffik taamaattoq pillugu kiisalu inatsimmi maani aalajangerneqartutut ilisaanerup imaluunniit timimik ikuallaanerup isumagineqarnissaanik pisussaaffik taamaattoq pillugu, Erhvervsministeri malittarisassanik erseqqinnerusunik aalajangersaasinnaavoq.

§ 73 a. Umiarsuaatilik Søfartsstyrelsen akuerisaanik sillimmasiisussaavoq imaluunniit aningaasaqarnermut tunngasumik assigisaanik qularnaveeqqusiissalluni, taassumalu pisuni, tassani imarsiortoq qimanneqarluni, taannalu umiarsuaatilimmit allaaneruppat, aamma sulisitsisumut, umiarsuup naalagaata aamma imarsiortut umiarsuaatilimmut piunasaqaataannik matussusiissaaq.

Imm. 2. Umiarsuaatillip atorfinitsinneqarnermi isumaqatigiissut malillugu pisussaaffimminut akerliusumik, matumani ataatsimoorussamik isumaqatigiissut imaluunniit inatsit manna atorineqartussaattillugu, imarsiortut qimanneqartut isigineqassaaq

- 1) imarsiortup angerlamut nassiunneqarnissaanut aningaasartuutit matussuserneqarnissaat ilaginnaruniuk,
- 2) nerisaqartinneqarnissamik pisariaqartinneqartunik imaluunniit aningaasatigut tapiissutinik tuninagu imarsiortoq qimassimaguniuk imaluunniit
- 3) allakkut illuinnarsiorluni aamma pisinnaatitaanani imarsiortumik attaveqarneq kipitissimaguniuk, matumani imarsiortoq minnerpaamik qaammatini kingullerni 2-nni akissarsiassaminik tigusiisimangippat.

Imm. 3. Imm. 1 malillugu aningaasaqarnermut tunngasumik qularnaveeqqusiissutit, tulluuttut matussusissavai

- 1) imarsiortup angerlamut apuunnissaata tungaanut tunngaviusumik pisariaqartitai, matumani nerisaqartinneqarneq, kiassarnerup qulakkeerneqarnera, elektriciteti,

attaveqaqatigiinneq, eqqiluisaarneq aamma pisariaqartinneqartumik nakorsamit katsorsarneqarnera il.il., angerlarnermut aningaasartuutit kiisalu aningaasartuutit naleqquttut, imarsiortup qimanneqarsimanerata malitsigisai, aamma

2) piumasaqaatit taakku Lønmodtagernes Garantifond-imit matussusiisarnermi ilaatinneqartinnagit, akissarsiat akissarsiallu allat il.il. qaammatini 4-ni pisassarisat, atorfinitsitaanermi atugassarititaasut malitsigisaannik imarsiortup pisinnaatitaaffigisai.

Imm. 4. Imm. 1 malillugu aningaasaqarnermut tunngasumik qularnaveeqqusiissut pillugu Søfartsstyrelsi malittarisassanik erseqqinnerusunik aalajangersaasinnaavoq, matumani matussusiinissamut killiliussaq pillugu, piumasaqaatigineqartunut uppersaait pillugit, aningaasaqarnermut tunngasumik qularnaveeqqusiissumut toqqaannartumik piumasaateqarsinnaanermut periarfissaq pillugu aamma, qularnaveeqqusiinermi piumasaqaatit, pisortani isumaginninnikkut aaqquissuussinerni ilaatinneqartut, imarsiortunik ilaatitsisut ilaatinneqannginnissaat ilanngullugit.

Imm. 5. Aningaasat agguagassat, § 10 a, imm. 3-mi taaneqartut, aningaasartuutitut, imm. 3, nr. 1-imi ilaatinneqartunut aningaasaqarnermut tunngasumik qularnaveeqqusiissutaanissaat pillugit Erhvervsministeri malittarisassanik aalajangersaasinnaavoq.

Imm. 6. Imm. 1 malillugu aningaasaqarnermut tunngasumik qularnaveeqqusiissut pillugu allagartat akuersissutit imaluunniit uppersaait allat, aamma umiarsuarmi taakku allagarsiunneqarnissaat pillugit Søfartsstyrelsi malittarisassanik erseqqinnerusunik aalajangersaasinnaavoq.

§ 73 b. Telemedicin pillugu umiarsuarnut niuffagiutitut siunnersuineq akeqanngitsoq, Søfartsstyrelsip qulakkiissavaa.

§ 73 c. § 6, imm. 5, § 8, imm. 1, § 10, imm. 3, §§ 11-miit 14 ilanngullugu, § 18, imm. 2, §§ 18 b, 19 aamma 30, § 48, imm. 2, aamma § 49 malillugit nerisaqartinneqarluni angerlamut angalanissaq pillugu Erhvervsministeri malittarisassanik erseqqinnerusunik aalajangersaasinnaavoq.

§ 73 d. Kalaallit Nunaanni sulitilluni ajoqusersinnaanermut isumannaarineq pillugu inatsit malillugu imarsiortut illersorniarlugit akuersissutinik allagartalersuineq imaluunniit uppersaait allat pillugit, aamma umiarsuarmi uppersaait allagartallu akuersissutit il.il. allagarsiunneqarnissaat pillugit, ArbejdsskDESTYrelsip isumaqatigiinniarfigineqarnerata kingorna, Søfartsstyrelsi malittarisassanik aalajangersaasinnaavoq.

§ 74. Imarsiortunut suliffimmi pissutsit pillugit isumaqatigiissutip, inatsisip aamma inatsit malillugu malittarisassat atulersinneqartut, inuttanit umiarsuarmi nassaasaanissaat aamma tikkineqarsinnaanissaat umiarsuup naalagaata isumagissavaa.

Imm. 2. Akissatut aalajangersakkat pillugit isumaqatigiissut malillugu inuttanngortinneqarneq pisimappat, akissatut aalajangersakkat pillugit isumaqatigiissutip umiarsuarmi inuttanit tikkineqarsinnaasumi nassaasaanissaa, taassuma isumagissavaa.

Missingiut

§ 74 a. Imarsiornerup isumannaatsuunissaa pillugu inatsimmi § 20 a malillugu Søfartsstyrelsi inatsisip massuma aamma taanna malillugu malittarisassat atulersinneqartut eqqortinneqarnerat pillugit Søfartsstyrelsi nakkutilliisinnaavoq.

Imm. 2. Imarsiornerup isumannaatsuunissaa pillugu inatsimmi § 20 b malillugu inatsit manna malillugu allagartat akuersissutit uppenarsaatillu allat pisariaqartinneqartut atulersinneqarnissaat, Søfartsstyrelsip isumagissavai.

§ 74 b. Umiarsuit, inuussutissarsiornermut tunngasumik atorineqartut, qallunaat umiarsuarnut nalunaarsuisarfinni allanneqarsimasut Kalaallit Nunaanni angerlarsimaffeqartut, aamma 500 bruttotonsinik imaluunniit taakku sinnerlugit usitussuseqartut, allagartamik akuersissummik aamma imarsiortunut suliffimmi pissutsit pillugit naapertuuttoqarneranik nalunaarummik peqanngikkunik, nunat tamat akornanni angalasinnaanngillat. Pissutsit suut allagartami akuersissummi aamma naapertuuttoqarneranik nalunaarummi ilaatinneqassanersut pillugit Søfartsstyrelsi malittarisassanik aalajangersaasinnaavoq.

Imm. 2. Umiarsuit isumannaatsumik ingerlanneqarnissaat pillugit najoqqutassat, Naalagaaffiit Peqatigiit Nunat Tamat akornanni Imarsiorneq pillugu Suliniaqatigiiffiannit aalajangersarneqartut, malillugit umiarsuaq allagartamik akuersissummik allagartalerneqarsimappat, allagartaq akuersissut aamma naapertuuttoqarneranik nalunaarut imm. 1-imi taaneqartut taamaallaat, umiarsuit isumannaatsumik ingerlanneqarnissaat pillugit najoqqutassat malillugit atulersitsiviusumut taamaallaat atulersinneqarsinnaapput. Pisuni immikkut ittuni oqaaseqatigiinnit siullernit Søfartsstyrelsi immikkut akuersissuteqarsinnaavoq.

Imm. 3. Imarsiortut sulliviini pissutsit pillugit allagartaq akuersissut naapertuuttoqarneranillu nalunaarut umiarsuarmi toqqoqqassaaq aamma piumasarineqartillugu oqartussaasunut takutinneqassalluni.

Imm. 4. Imm. 1-miit 3 ilanngullugu umiarsuarnut aalisariutinut atuutinngillat.

§ 74 c. Aalisartut sulliviini pissutsit pillugit allagartamik akuersissummik peqanngikkunik, matumani pissutsit suut allagartami akuersissummi ilaatinneqassanersut pillugit, umiarsuit aalisariutit angalasinnaannginnerat pillugit, Erhvervsministeri malittarisassanik aalajangersaasinnaavoq.

Imm. 2. Allagartaq akuersissut umiarsuarmi toqqoqqassaaq aamma piumasarineqartillugu oqartussaasunut takutinneqassalluni.

§ 75. Umiarsuarnut, nalunaarsorneqarnissamik pisussaaffeqanngitsunut, aamma umiarsuarnut aalisarnissamik imaluunniit immikkut ittumik siunertaqartunut, inatsisip avaqqunneqarnissaa pillugu Erhvervsministeri malittarisassanik aalajangersaasinnaavoq

Imm. 2. Inunnut, § 1, imm. 1-imi ilaanngikkaluarlutik, umiarsuarmi sulianik suliaqartunut, inatsisip ilaata atuunnissaa pillugu Erhvervsministeri malittarisassanik aalajangersaasinnaavoq. Umiarsuaatilinnut imarsiortunullu suliniaqatigiiffiit, apeqqummut tunngassuteqartut, tusarniaavigereerlugit malittarisassat aalajangersarneqassapput.

Imm. 3. Taakku atorfinitsitaanerminni atugassarititaasut malillugit killiffiit assinginik illersugaappata, inunnut, atituumik paasillugu umiarsuup ingerlanneqarneranut pingaarutilimmik suliaqanngitsunut, inatsisip ilaata atuunnissaa pillugu Erhvervsministeri malittarisassanik aalajangersaasinnaavoq. Umiarsuaatilinnut imarsiortunullu suliniaqatigiiffiit, apeqqummut tunngassuteqartut, tusarniaavigereerlugit malittarisassat aalajangersarneqassapput.

§ 75 a. Naammagittaalliorsinnaaneq pillugu Erhvervsministeri malittarisassanik aalajangersaasinnaavoq, matumani Søfartsstyrelsen aalajangiinerisa allaffissornikkut oqartussaasumut allamut saqqummiunneqarsinnaannginnerat pillugit.

§ 76. Peqqussut ulloq 1. februaari 2027 atuutilissaaq.

Imm. 2. Umiartortut pillugit inatsit nr. 229, 7. juni 1952-imeersoq atorunnaarsinneqassaaq.

Imm. 3. (Atulersinneqassanngilaq)

§ 77. (Atulersinneqassanngilaq)

Tunniunneqarpoq [...] ulloq [...]

Kunngisut atsiorpugut naqissusiillutalu

FREDERIK R.

/Morten Bødskov

¹ Kapitel 4 a-mi maleruagassat ilai Kalaallit Nunaannut atuutsinneqalinngillat, tassami maleruagassat imarsiortunik inuttassarsisarnermut, Namminersorlutik Oqartussat susassaqqarfigisaannut, tunngassuteqarmata. Imarsiortunik inuttassarsisameq umiartortut isumaqatigiissusioqatigineqartamemat pillugu Inatsisartut inatsisaanni nr. 2, 24. april 1986-imeersumi maleruagassiivigineqarpoq.